

四庫全書

子部

欽定四庫全書

子部

世醫得效方卷十九

詳校官太醫院醫士 臣舒岱

編修 臣倉聖脈覆勘

總校官降調編修 臣倉聖脈

校對官助教 臣羅萬選

謄錄監生 臣毛杞

欽定四庫全書

世醫得效方卷十九

外科精要

瘡腫科

總說

人之一身血氣周流則平若冷熱不調喜怒不常飲食  
不節稍有壅聚則隨所發見癰癤屬表易治疽癌癰  
發屬臟腑發於腦背頤上最為難治徑一寸二寸為癰

元 危亦林 撰

三寸五寸腫圓赤為癰八寸為疽癌癰瘰名各不同其色亦異有圖見之凡初覺聾聚結熱疼痛腫赤痕癰闊硬或見或不見治之如挫溺救焚不可緩也若按而後痛者其膿深小按即痛者其膿淺按之軟而復者有膿按之強而不復者無膿焮赤腫高者為實軟慢冷腫者為虛初作宜宣熱拔毒外以洗滌角傳以斂其痕癰是大要法也已潰則排膿止痛朝夕亦洗滌以舒其毒氣膿盡則生肌傳痂次第施治不可愴惶失序亦不可拘



一酌量輕重形證逆順寒則溫之熱則清之虛則補之  
實則泄之導以針石灼以艾炷破毒攻堅以平為期其  
有五善證者飲食如常一善實熱而小便澀二善肌肉  
好惡分明三善用藥如所科四善外無雜證五善七惡  
證者渴而喘大小便滑一惡內未潰肉黑而陷二惡已  
潰青腐筋骨黑三惡發背透膜四惡未潰肉先潰面青  
五惡發痰六惡發吐七惡所謂五善見三必瘥七惡見  
四必危外證形候不治者亦五缺盆平滿背脊平滿掌

心平滿脚心平滿臍頭凸出逆證者有五大渴痛不止  
一逆聲細色脫二逆服藥嘔吐三逆睛細白大四逆肩  
脾全身轉不得五逆難治者亦有六證兩臉紅似坯染  
心病深得之久全不腫起亦不覺痛乃臟腑受病深病  
處硬如牛領之皮又如石榴之狀用藥三五日不軟者  
病深病人無時喜笑迺神氣脫病深口小內閣常出青  
白膿汁不疼痛內壞病深病處貼膏藥後出鮮血黑血  
間雜血瘡深又云初發疽時一粒如麻豆大身體便發

熱生疽處肉亦熱腫大而高多生疼痛破後肉色紅紫  
此為外發雖大若盆碗如用藥有理則全活必矣初發  
疽時不拘大小身體無熱自覺倦怠生疽處亦不熱數  
日之間漸漸開大不腫不高不疼不痛低陷而壞爛破  
後肉紫色黑此為內發未作之先臟腑已潰爛則不治  
矣復有心腎肺癰腸癰附骨疽證心癰者乃心經有熱  
或好飲酒或嗜熱物積聚成熱久而不散重發於皮膚  
之外氣血不流凝滯而生雖曰原道頗險而實可治宜

用托裏活血之劑攻出外來腫高不陷可保無虞若陷入裏亦不可恃如不飲食急須扶脾能食瘡破穿見肉膜亦未為害但要洗滌淨潔以生肉藥摻四畔自然而愈腎癰乃與內腎相對皆由腎氣衰敗而成突起皮赤者易安陷入皮黑者難瘥如精神清爽顏色紅潤飲食不減多起少卧此為善美也顏色黑黃飲食全減斯為可憂惟須詳審速療肺癰乃將理失宜勞傷氣血風寒之氣乘間而入內舍於肺及挾邪熱其氣結聚或作寒

熱脉數而實是也腸癰乃榮衛相乖氣為敗濁小腹如腫大小便或澀或復汗出或復寒熱是也若腹皮急按之濡身無熱乃陰冷所成小腹堅痞按之痛身有熱乃結熱所成脉數膿已成不可下脉遲緊膿未成或下瘀血而愈附骨疽痛深按之無疼著骨而生膿水腐潰碎骨出盡方愈治之宣熱去毒又當溫腎未可專用涼劑更在針烙其病務詳淺深刺拔其根則易愈不爾則順脉流走徧身洪腫卒致不救惜哉至於所患之時猶或

多於外證未潰已前發渴乃臟腑焦燥痢下乃引飲無  
度已潰而渴則膿血去多津液中乾或復腸胃暴虛遂  
成下痢體虛受寒則軟聲不息氣逆挾熱則痰盛於胃  
熱毒不泄為二便秘澀毒氣迫心為嘔噦驚悸陰陽交  
爭血氣不和寒熱併作臟腑傷敗便血迸出毒氣攻外  
煩燥異常惟須大方科藥同治可也至於諸瘡猶當舉  
其大畧丁瘡含蓄毒氣瘡頭黑硬如釘四畔帶赤如火  
癰根突起痛癢異常隨變焦黑未幾腫大而光轉為濕

爛深孔透肌如大穿針之狀外證心驚頭疼拘急惡寒  
四肢痛強或寒熱交作頰舌間赤黑點點如珠若毒入  
腹心則煩悶嘔逆恍惚凝眠其斃可立而待治之當清  
心行血破毒拔丁則或愈矣癰瘡生於項腋之間凡人  
少小以來動輒蓄怒或憂思驚恐抑鬱不伸遂致結核  
日積月累風熱毒氣聚焉於是腫濕開瘡起伏無已甚  
則牽連腋下延蔓心胃外證寒熱往來或痛或不痛治  
之須用斑蝥地膽使其根從小便中出或如粉片或如

塊血或如爛肉皆其驗也治療不早則無及矣漏瘡之由多發於項腋陰僻肛門之間治之失時即生寒熱凡癰疽諸發隨所在處苟有宿膿敗肉朽骨停蓄其間皆謂之漏治法溫散風冷收水生肌用室塞之藥必得痊平惟須戒房事耳癰疹為病風熱在表天時炎暄而燥氣乘之則為赤疹天時寒涼冷氣折之則為白疹治之須疎風行氣氣行則消矣其有疥癬等瘡各自不同浸淫不已皆由脾肺風熱或心腎久虛所致熱則平血解




毒冷則清心溫腎又何患其不瘳矣

五癰形圖

癰 發

腫赤高起


此疾或在婦人乳旁上為血宮積



或長或大

滯氣壅血凝而成也內有膿血其  
病易治內有白膿其病難治

疽 發



腫赤堅硬

此疾初發之時毒氣在皮作熱堅

硬百節疼痛虛渴不已昏沉不省人事破后疽出血如蚕多口出膿汁七日之后急用藥有鮮血難治

癌 發




不變

內闊大色此疾初發之時不寒不熱腫處疼痛紫黑色不破裏面壞爛二十以前者積熱所生四十以后者皆血氣衰也須早為治十可全一二也

癰發

唇黑硬



四畔生牛

癰發



此疾初發之時疼痛二十已后四十以前者皆積傷之毒入胃壅聚而成四十以后六十以前者乃血閉不能行壅熱積血得之如出清水汁難治  
此疾發時渾身壯熱手足不遂增寒頭痛虛渴多汗嘔逆四肢沉重五臟煩悶是其候若出米泔滓者難治

秘傳十方

治一切癰疽不問發肩發背作髀疼痛並宜服此即便消散其效如神是名前鋒正將

荊芥

薄荷

山蜈蚣

老公鬚

天花粉

菇蘘

菇片

敗荷心

川白芷

猪牙皂角

炒切

赤芍藥

以上各等分

淮烏

大者一箇煨

紅內消

倍其數

甘草

每十五分入一分喜甜加用

右為末每服二錢薄荷茶清調下欲快利用酒調效

若服經日未見效恐是涼藥澀血可加當歸羌活如  
熱重雄黃酒調乳癰加萱草根研汁調其餘候止用  
酒下不飲麥門冬去心煎湯亦可但較緩耳

凡用內消先用此藥退潮止渴解熱是名引兵先鋒以  
升麻葛根湯表散後服此

木通

瞿麥

荊芥

薄荷

白芷

天花粉

甘草

赤芍藥

麥門冬

去心

生乾地黄

山梔子

車前子

連翹

各等分

右剉散每服二錢燈心生地黃煎熱潮加淡竹葉煎溫服上膈食前下膈空心老人氣虛者宜加當歸羌活

敷藥諸般疽發腫赤痛不可忍未成角散已成角破用至瘡口合而止是名四面楚歌

荊芥

和根剉碎

赤芍藥

大栢皮

土當歸

山大黃

土白芷

天南星

赤小豆

商陸乾

即中樁根  
剉片子焙

白芨

赤欬

白欬

草烏

寒水石

煨或炒  
各等分

右為末生地黄自然汁調角四畔或苦蘆根汁腫用  
商陸根研汁未潰則滿體塗上或有尖起處則留出  
瘡口

洗方諸發已破未破皆洗如成膿潰爛最要洗淨去故  
肉生新肉洗后淨乾再用角貼摻藥一日一次名水師  
晶明

大柏皮

澤蘭

莽草

荊芥

赤芍藥

山大黃

土白芷

土當歸

獨活

各等分

右剉麤散用水一斗入葱白大椒橘葉同煎重洗如  
已爛入猪蹄下膝爪骨肉煎可免乾痛淨洗為度  
替針丁香圓

草烏尖

礞砂

白丁香

堅者

右為末酸醋調點將破者令速潰但有急則無如刀



為快棋針一法亦妙見后

內護治癰發已成未成服內消三五日不效或年四十以上氣血衰弱成者速潰未成者速散服至瘡口合而止內能固濟去舊生新是名固壘元帥又名加味十奇散

當歸

酒浸

桂心

不見火

人參

土芎

香白芷

防風

去蘆

厚朴

去粗皮  
姜汁炒

桔梗

甘草

五文

乳香

另研

沒藥

另研

右前八味各等分同為末每服二錢酒調日三服病

愈而止不飲者麥門冬去心煎湯或木香湯

治諸發已潰去舊生新老人氣血虛弱宜補之此潰後服至愈而止是名護壁都尉

防風

去蘆

厚朴

製同上

苦梗

白芷

黃耆

炙各半兩

川芎

甘草

柳桂

當歸

各三錢

人參

二錢

右為末每服二錢空心溫鹽酒調服至瘡口合後更

服為佳不飲酒木香湯煎服降氣湯尤妙

方見前

生肉神異膏治癰疽壞爛及諸瘡發毒

雄黃 五錢

滑石 倍用

右為末洗后摻瘡上外用綿子覆蓋相護凡洗后破爛者用此貼之

止痛拔毒膏治一切瘡發臭爛不可近末破則貼破已破則生肉杖瘡丁瘡皆用之

斑蝥 四十箇

柳根 四十條

木鱉子 七箇  
乳香

沒藥

麝香 少許

松脂 三錢

右用真清油十四兩煎黑柳條焦枯瀝去渣入黃丹  
五兩滴入水中成珠為度却入諸藥攪及勻入磁器  
中收了后用神妙

歛瘡口黃丹散

黃丹

煨

白礬

枯

龍骨

寒水石

乳香

木香

不見火

黃連

黃芩

檳榔

臙粉

各三錢

腦子

少許

右為末隨瘡乾濕用之乾則用濕鹽湯洗濕淨乾却

摻其上用不可太早須膿血去盡臨好方用不然則  
又譽作

通治

車螯散治癰疽初發腫痛或少年熱盛發背等急宜宣  
毒利下熱退為度大人小兒四季皆可服之

紫背車螯

一隻鹽泥固濟火煨  
通紅地上出火毒用

輕粉

甘草

各二錢

大黃

五錢

黃芩

漏蘆

去須

瓜根

各半兩

右為末每服二錢薄荷湯下速利酒亦可

單煮大黃湯治同上氣血衰者不可用

大黃 甘草

右剉散每服三錢水一盞半煎空心服利下熱毒

五香散升降諸氣宣利三焦疎導壅滯發散邪熱治陰陽之氣鬱結不消諸熱蘊毒腫痛結核或似癰癤而非使人頭痛惡心寒熱氣急

木香 丁香 沉香 乳香

藿香

各等分

右判散每服三錢水一盞半煎食後溫服

五香連翹湯治一切惡核瘰癧癰疽惡腫等病

青木香

即船上木香

沉香

丁香

薰木香

即乳香

麝香

升麻

桑寄生

獨活

連翹

射干

木通

各二兩

大黃

蒸三兩

右判散每服四錢水二盞煎一盞空心熱服半日以

上未利再服利下惡物為度未生肉前服不妨以折去熱毒之氣本方有首深芒硝恐泥者不能斟酌故缺之知者自當量入

平補散利後不止手足冷此藥補之溫脾正氣

白朮

甘草

白薑

陳皮

各二錢

茯苓

木香

各一錢

肉豆蔻

二箇根

右為末服前藥後則可服鹽湯調二錢日三四服利止手足溫食進却住服



加味十全湯治老人虛極瘡疾臨愈宜服

黃耆

生乾地黃

當歸

並用酒浸

川芎

人參

白茯苓

粉草

白芍藥

桂心

不見火

烏藥

白朮

米泔浸  
麩炒

陳皮

北五味子

微炒以上  
各五錢

右剉散每用一兩水一椀薑五片北棗一枚同煎分  
作二服渣可曬乾再為末服

真方不換金正氣散治疽瘡未安之間遍身寒熱或先

寒後熱先熱後寒或連日作或間日作必先嘔痰而後寒熱大汗出然後止服此却寒邪正脾氣瘕飲自消寒熱不作

蒼朮

米泔浸半日炒令黃色

大厚朴

紫色者去粗皮用薑汁炒各二

兩

粉草

炙一兩

真橘紅

水洗淨去白兩半以上四味並

入鍋內炒去火毒

半夏

湯洗七次

藿香葉

人參去蘆

木香

去蘆

白茯苓

去皮各一兩

右剉散每服三錢水一盞半生薑三片紅棗二枚煎

八分入鹽少許溫服不拘時候

阿膠飲子治一切癰疽發背挾瘰癧瘡癰癰毒並治

之

明阿膠

剉餅粉炒如珠  
子出火毒一兩

真槁皮

半兩

粉草

一兩

右剉散分作三服水一椀煎候溫病在上食後服病在下空心服累效

悉冬酒治癰疽發背初發時便當服此不問疽發何處婦人乳癰若鄉村或貧乏無得藥材者虔心服之大有

神效

忍冬藤

五兩 越  
不犯鐵

大甘草節 一兩

右各生用水二椀慢火煎一椀入無灰酒一大椀再煎十數沸去滓分三次溫服如無生者用乾者終力淺更生取葉一把搗爛入餅子酒少許生餅酒尤佳調和稀稠得所傳瘡四面中心大留一口泄毒

蠟礬圓治癰疽發背癰瘰漏瘡惡瘡衛護內膜驅解諸毒自然內消

通明白礬

生用二兩

右為末以黃蠟一兩二錢鎔汁就爐上入礬拌和衆手圓如梧桐子大每服十五丸熱水或冷酒下常服之漏瘡用油髮灰和雞內金末外塞

粉乳托裏散癰疽初發便服或毒氣入裏衝心煩悶吃嘔喘嗽以至泄瀉急用頻服托裏返出毒氣自內發起達外又能消已發未發皆可服之神效

真菴豆粉心

二兩

明乳香

半兩以弱藥或蘆葉盛蓋火熨

攤冷  
研

右為末每服二錢新熱水調下或生甘草煎湯調食  
後少時細呷常要藥味在胃膈間則毒氣不能攻心  
或瘡已沉晦用當歸一錢辣桂二錢煎湯調下仍以  
加味不換金正氣散為佐小兒痘瘡陷入亦能救之  
瘰癧攻心嘔悶亦用

五味子湯治腎水枯竭運用不上致令口中乾燥舌上  
堅硬或如鷄內金

北五味子

綿黃耆

去蘆

條參

去蘆

麥門冬

去心

各兩半

粉草

半兩

右剉散每服半兩水盞半煎不以時溫服日夜五七

次

神白膏貼五發未破

南星

大黃

草烏

白欬

各半兩

蚌粉

大栢皮

各一兩

小赤豆

一合

右為末取芭蕉頭研取油調角四畔加乳香沒藥尤

妙

乳香膏止痛

木鱉子

去殼細削

當歸

各一兩

柳枝

二尺寸寸剉之同以清油四兩慢火

煎令黑色

次用后

乳香

沒藥

各半兩

白膠香

明淨

者四兩同研細入油煎化用綿子濾之

右先事治辦煉藥銑銚令極淨再傾煎藥油蠟在內

候溫入黃丹一兩半以兩柳枝攪極得所再上火煎

不住手攪候油沸起住攪注在水中成珠不散為度



秋冬欲軟春夏欲堅傾在水中出火毒搜成劑收之  
追毒丹治瘡疽黑陷者用針刀開瘡內追毒丹使之潰  
然後去敗肉排膿隨證治之癰疽疔瘡附骨疽並皆治  
之

巴豆

十粒去皮心不  
去油研似泥

白丁香

輕粉

各一錢

雄黃

黃丹 各二錢

右件研和加白麵三錢滴水為圓如麥狀針破瘡內  
之覆以乳香膏追出膿血毒物漏瘡四壁死肌不去

不可治亦以此追毒去死肌乃養肉令愈疾小者用一粒大者加粒數用之

太乙膏治五發癰疽一切惡疾軟癰年深日遠已成膿未成膿貼之即效蛇虎蝎大刀斧所傷並可內服外貼發背先以溫葱湯水洗瘡拭乾用帛子攤藥貼仍用水下血氣不通酒下赤白帶下當歸酒下咳嗽喉閉纏喉風並綿裹含化一切風赤眼貼太陽穴後用山梔子湯下打撲傷損貼藥仍以橘皮湯下腰膝痛貼之鹽湯下

唾血桑白皮湯下諸漏先以鹽湯洗若諸瘡癰並量大  
小以紙攤藥貼之並每服一粒旋圓如櫻桃大以蛤粉  
為衣其藥可收十年不壞愈久愈烈神效

玄參

川白芷

川當歸去蘆官桂去粗皮

赤芍藥

大黃

生乾地黄各一兩

右剉如大豆大用清油二觔浸春五夏三秋七冬十  
日濾去渣油熬得所次下黃丹一觔滴油入水中不  
散為度

善應膏治諸般惡瘡腫毒發背腦疽癰子牙腫打撲接  
骨閃肭刀斧傷杖瘡蛇蟲毒狗馬咬湯火漆瘡疥癬貼  
之即愈又治婦人吹乳以藥圓如梧桐子大新汲水下  
二十圓肺癰腸癰亦可為圓吞服溫酒米飲或北梗甘  
草煎湯皆可不可犯葷手及火焙

上等黃丹

八兩研  
極細

白膠香

明沒藥

滴乳香

並別  
研

大當歸

川白芷

杏仁

去皮  
尖

大黃

草烏

川烏

赤芍藥

檳榔

生乾地黃 土芎

滴青

別研入

亂髮

淨洗以  
上各一兩

右除乳香沒藥外將磁石銚盛香油一觔浸藥一宿  
慢火煎熬諸藥黑色再入葱白亂髮煎少時用生絹  
帛濾去滓留下一兩藥油復將所濾油於慢火上熬  
却將黃丹入油內用長柳條槐條不住手攪候有微  
煙起提起藥銚將柳條點滴在水面上凝結成珠不  
散方成膏如不成珠再熬直待成膏提起藥銚攪無

煙出却入乳香沒藥白膠末攪勻傾出磁器內將元  
留下沒藥銚一併收入器內用新汲水一日一換將  
藥器坐放水內三日出火毒方可用之如膏藥硬約  
量加黃蠟清油入膏內攪勻得所熬膏極難於火候  
須耐煩看火緊慢火猛則藥中火發不特失藥性又  
燎傷製藥人面目

玄武膏治癰疽發背丁腫內外臙瘡陰疰下諸惡瘡及  
頭項癰腫不問已潰未潰皆可用大能排膿散毒止疼

生肌累有神驗若丁腫先用銀篦或鹿角針於丁瘡中間及四畔針破令惡血出以追毒餅如小麥大擦入孔中却以此膏貼之如瘡壞爛至甚難藥貼則將皂角二片煎油調勻此膏如稠糊薄傅之膿水或轉多不數次傅之乾愈妙

大巴豆

去殼膜

木鱉子

去殼各二兩淨

黃丹

四兩研細

真清油

十兩

槐柳嫩枝

各七寸長七條剉細

右依前法煎熬成膏貼用

金不換治傷筋動骨損痛閃肭風毒惡瘡風濕筋寒諸病

當歸尾

川白芷

杏仁

去皮尖

玄參

猪牙皂角

去皮弦

草烏

生剉用各三錢

白膠香

明者

八兩

蓮鬚葉葱

肥者十根

滴青

明者半觔

乳香

沒藥

別研為末各半兩

黃蠟

明者一兩

男子亂髮

洗淨援如雞子大

右用清油半觔將七味依前法熬濾却入膠香滴青



攪勻下黃蠟又攪無煙方下乳香沒藥

貼膏法如瘡有膿血不淨痂癰閉礙須用藥水洗淨拭乾候水氣乾却用膏貼貼後有黃水膿血出流用紙揩從側畔出一日一換黃水膿血止兩日三日一換貼至愈

蟬針正法治癰癤不問老少初發腫作覺見稍大便以紙一片冷水浸搭瘡上視其上一點先乾者即是正頂先以大筆管一箇安於正頂上却用大馬蟬一條

本草名  
水蛭

安其中頻以冷水灌之馬蜧當吮其正穴膿

血出毒散是效如無大蜧小須用三四條方見功效  
若吮著正穴蜧必死用水救活其瘡即愈累試奇效  
乃去毒之一端也血不止以藕節上泥止之白茅花  
亦效

追毒餅治諸般惡瘡因針開了口後又閉合生膿脹痛  
不可忍用此捻成小麥子大入放瘡中永不閉膿水自  
出瘡自乾好

極好信石

半錢

雄黃

雌黃

各一錢

輕粉

少許

大硃砂

一錢

右研為細末糯米糊圓如麥子大若瘡口閉合生膿將藥入內仍以膏藥貼之

內追毒丹清心解毒散潮

大硃砂

雄黃

各五錢

生麝香

一錢

生犀角

琥珀

以上並別研細

黑角沉香

各五錢

右為末煉蜜圓梧桐子大每服二十圓燈心薄荷湯

下

雜證乾葛飲治發背作渴

黃芩

朴硝 各五錢  
乾葛 一兩

右剉散每服三錢用枇杷葉去背上白毛淨洗同煎  
不拘時服

蘇子降氣湯縮砂香附湯

並見大方  
科諸氣類

人參敗毒散參苓白朮散

方見大方科傷寒  
陽證及脾胃類

以上諸藥升降散毒理脾和氣凡諸發臨愈皆可投

數服癰疽緣氣凝血滯氣聞香則行初發亦宜縮砂  
香附湯

六一湯諸發愈後宜服

黃耆

六兩炙

甘草一兩

右剉散每服三錢水一盞半薑三片棗二枚煎空心  
服

八味圓老人血氣衰弱發背作渴不止宜服

方見大方  
科虛損類

嘉禾散治疽後氣弱不食

方見大方  
科脾胃類

乳香圓治發背及一切疽瘡潰爛痛不可忍者

當歸

川芎

交趾桂

川香芷

真萊豆粉

各五錢

羌活

獨活

五靈脂

乳香

別研

沒藥

別研各三錢

白膠香

五錢

右為末煉蜜為圓如彈子大每服一圓用薄荷湯嚼  
下手足諸般損痛不能起者加大草烏一味用木灰

鹽湯細嚼下

黑附圓治氣虛血弱老人疽發後四肢倦怠無力或燥

渴好飲水不止者

黑附子

一箇九錢  
根鹽水浸

白茯苓

五錢  
去皮

川練子

一兩

去皮  
核

茴香

一兩  
炒

破故紙

一兩  
炒

熟地黃

洗淨

切酒炒  
一兩

交趾桂

五錢  
去粗皮

大當歸

一兩

去尾

右為末煉蜜圓如梧桐子大每服三十圓空心鹽湯

或鹽酒下如覺脾虛食減亦用參苓白朮散兼服

消腫法凡春初雷始發聲時急以兩手指雷聲聲止乃

止後七日勿洗手此後有一切腫及蝎螫惡注腫瘡  
摩之隨手即消

乳癰

瓜蒌散如不愈者並依前方治之

瓜蒌

明乳香

右為末每服二錢溫酒調下熱者加石膏末少許

又方

草烏

七箇

小赤豆

七粒

拒霜葉

一兩陰乾



右為末井花水調塗角四畔黃頂用前敷藥亦妙  
又方仙人掌草一握小酒糟一塊生薑一大塊搗爛入  
桂末少許炒酒服留滓罨腫處即止更不成瘡

乳勞癰

火炊草

皂角刺

川山甲

黃蜂窩

右各燒存性為末入輕粉生清油調勻敷瘡上

又方赤小豆一升酒研爛去滓溫酒服留滓敷患處  
又方蔓荊子搗爛炒酒服滓貼患處

又方乳勞癰爛見心者猫兒腹下毛甘鍋內煨存性為末乾摻或清油調入輕粉少許

吹乳結實疼痛陳皮一兩甘草一錢水二椀煎一椀分二次服次用荊芥羌活獨活煎湯薰之溫則洗之安又方消毒飲加連翹三錢黃水蓂仁三十粒搥損每服四錢水一盞半煎食後溫服

方見小方科

又方皂角刺燒灰蛤粉明乳香少許為末熱酒下搽散亦可

妳頭裂取秋後冷露茄子花裂開者陰乾燒存性灰水調敷未秋時但裂開者亦可用

### 灸法

癰疽高腫堅硬不破名曰石癰當上灸百壯

諸癰疽毒開闔不止疼楚殊甚以灸炷四枚圍著所作處同時下火各灸七壯多至十一壯佳

大蒜頭橫切如錢貼其中心頓小艾炷灸之五壯而上若形狀稍大以黃稭紙蘸酒敷貼認先乾處為筋

脚於先乾處灸之或兩處先乾皆灸但五七壯而止  
又法屈指從四圍尋按遇痛處是根就此重按深入  
自覺輕快即此灸之

凡癰疽展大如龜形且看頭向上下先灸其前兩脚  
次灸其尾或紅筋走緊而長須盡處灸之須留頭并  
後兩脚勿灸若盡灸之不惟火氣壅聚彼毒無所走  
散又攻入裏也或辨認不明以白芷三分漢椒桑白  
皮各一分葱白十莖水一椀煎入酸醋半盞淋洗少

頃其筋自現可以辨認

心癰

涼血飲即引兵先鋒方治心肺有熱或作寒熱口乾好飲水渾身疼腹內作熱頭面赤色

次用內托散即前鋒正將方治同上兼用敷角洗貼已潰多服加味十奇散

以上二方並見前

腎癰

八味圓治腎虛嗜慾過度外挾寒邪發為癰腫不可施

以涼劑宜服

方見大方  
科虛損類

加味十奇散治同上兼用葱白橘葉椒葉猪蹄湯淋洗

仍貼金絲膏

方並見前

### 肺癰

桔梗湯治男子婦人欬而胸膈隱痛兩脚腫滿咽乾口

燥煩悶多渴時出濁唾腥臭名肺癰小便赤黃大便多

澀實者先投參蘇飲四服虛者先投小青龍湯四服並

用生薑棗子煎却服此

二方見大方科傷寒  
和解類及通治類

桔梗

去蘆

貝母

去心

大當歸

酒浸

瓜蒌仁

枳殼

去穰炒

薏苡仁

微炒

桑白皮

炒

甘草節

防己

去粗皮  
各一兩

百合

蒸半兩

黃耆

一兩半

知母

正地骨皮

去骨

杏仁

北五味子

甜葶藶子

各半  
兩

右剉散每服四錢水一盞半生薑五片煎不以時溫

服咳不利加百藥煎熱加黃芩大便秘不利加煨大黃

少許小便澀甚加木通車前子煎煩躁加白茅根咳

而疼甚加人參白芷

葶藶散治肺癰咳嗽氣急睡卧不安心胃脹滿

甜葶藶子

二兩半隔紙炒赤色

百合

炒

白附子

北五味子

炒

甘草節

羅參

款冬花

百藥煎

各一兩

大朱砂

五錢八研

紫苑

去木一兩

右為末每服二錢燈心湯調下

牡丹散治肺癰胸乳間皆痛口吐膿血氣作腥臭

川升麻

苦梗

薏苡仁

地榆



黃芩

赤芍藥

牡丹皮

甘草

各等分

右判散每一兩水一升半五合溫溫日三服

補肺散治肺癰已吐出膿血以此潤護

真鍾乳粉

一兩

白滑石

二兩

右為末每服三錢米飲調下

理肺膏治肺癰正作咳唾不利胸膈迫塞

訶子

去核

百藥煎

五味子

微炒

條參

去蘆

欵冬花藥

杏仁

知母

貝母

甜葶藶子

紫苑

百合

甘草節

以上

各五錢

右為末用白茅根淨洗秤三觔研取自然汁入磁石  
器中熬成膏更添入好蜜二兩再熬勻候冷調和前  
藥為圓如梧桐子大溫水吞下

加味敗毒散治上膈壅熱而成肺癰兼感風寒重者加  
入黃芩水蓼仁薄荷當歸川白芷半夏烏梅桑白皮每  
半料各五錢生薑生地黃燈心白茅根煎熱甚加大黃

內護排膿散 理肺癰吐膿後宜服排膿補肺

嫩黃耆

二兩

川白芷

北五味子

炒

人參

各一兩

右為末煉蜜圓如小指頭大偃仰入口噙化旋旋嚥  
下食後服臨卧服

葦葉湯

薏苡仁

爪瓣仁

桃仁

去皮尖  
各一兩

右剉散每服四大錢水二盞先以葦葉一握煎取一  
盞去滓入藥煎六分食後服或吐膿血勿怪

五香白朮散寬中和氣滋益脾土生肺金進美飲食

沉香

木香

明乳香

丁香

藿香葉

各半兩

白朮

羅參

白茯苓

薏苡仁

山藥

扁豆

桔梗

縮砂

白豆蔻

粉草

蓮肉

各一兩

右為末蘇鹽湯調空心服棗湯亦可有汗加浮麥煎  
雲母膏治一切內外癰瘡依和劑方修合煎北梗甘草  
湯吞服服畢便就枕有熱者善應膏亦可圓服湯引同

上方見  
前

加味十奇散治肺癰已散不咳不疼服此去舊生新內

能固濟

方見  
前

肺癰證始萌易治膿成難治診其脉數而實已成微而  
瀉漸愈面色白嘔膿而止者自愈有膿而嘔食面色  
赤吐膿如糯米粥者不治男子以氣為主得之十救  
二三婦人以血為主得之十全七八歷試屢驗

灸法治肺癰正作吐膿血不已肺膈炎二七壯在二椎

下三椎上各去脊一寸半及灸譙譙二穴二七壯其  
穴在肩膊內臚第六椎兩傍三寸抱肘取之

腸癰

敗醬散治脉數身無熱腹無積聚按之濡此為腸癰久  
積陰冷所成宜服

薏苡仁

二兩半

附子

炒半兩

敗醬

一兩一分

右剉散每服四錢水一盞半煎空心服小便利為效  
牡丹湯治腸癰小腹腫痞按之即痛如淋小便自調時

時發熱自汗出復惡寒其脉遲緊者膿未成可下之當有血洪數者膿已成不可下

大黃

蒸

桃仁

去皮尖各半兩

牡丹皮

一錢一字

瓜蒌子

三分

芒硝

二分

右剉散作一服水三盞煎八分去滓入芒硝再煎沸

頓服不拘時候未效用敗毒散

方見大方科傷寒類

薏苡湯治腸癰腹中疝痛煩毒不安或脹滿不食小便澀婦人產後虛熱多有此病縱非癰但疑似間便可服

就有差互亦無害

薏苡仁

五兩

牡丹皮

桃仁

各三兩

衣瓣仁

四兩

右剉散每服四錢水一盞半煎不拘時服

蠟礬圓治腸癰內托神妙

方見前

### 附骨疽

蟾蜍膏治附骨疽久不差膿汁敗壞或骨從瘡孔出

大蝦蟇

一枚

亂髮

一握如雞子大

猪脂油

四兩

右以猪脂油煎前項藥濾去滓凝如膏貼之凡貼先



以桑白皮烏豆煎湯淋洗拭乾煨龍骨為粉摻瘡口  
四畔令易收斂却用貼之

焦鯽膏治附骨疽未破已破或膿出不盡者

右用黑色鯽魚一箇去腸入白鹽令腹滿用線縛定  
用水一盞銅石器中煮水盡乾焦為末用猪油調敷  
已破者乾摻少痛勿怪

赤木圓治附骨疽膿汁淋漓久而不瘥已破未破皆可  
用

赤木

一觔泔浸去油用川椒  
葱白煮令黑色焙乾

舶上茴香

破故紙

炒

川練子

剉炒

茯苓

土茴香

川白芷

桃仁

去皮尖炒  
各一兩

右為末老人加黑附子煉蜜圓梧桐子大每服五十

圓溫酒或鹽湯吞下

便毒

雙解散治便毒內蘊熱氣外挾寒邪精血交滯腫結疼

痛

辣桂

川大黃

白芍藥

澤瀉

牽牛

炒取末

桃仁

去皮炒  
各一分

甘草

半分

右判散每服三錢水一盞半生薑五片煎食前日二

服先小便快熱從小便出後大便利皆是稠毒

五香連翹湯治便毒腫結因敗精搏血留聚而成立效

方見  
前

復元通氣散便毒初發用此

方見前

癰疹

神術散治因浴出腠風冷徧身癢疹搔之隨手腫突及  
昏暈嘔噦

白朮

一兩

神麴

二兩炒

甘草

一分

右為末每服二錢米飲調下一方以土朱研炒冷酒  
調下二錢不飲以茶調下

消風散治癰疹瘙癢神效

方見風科  
熱證類

茶調散治風熱癰疹

方見大方  
科頭痛類

胡麻散治風氣挾熱癰疹瘙癢

胡麻子

五兩

苦參

荊芥穗

何首烏

各二

兩

葳靈仙

防風

石菖蒲

牛蒡子

炒

菊花

蔓荊子

蒺藜

炒去刺

甘草

炙各兩半

右為末每服二錢食後薄荷湯或好茶清下

治偏身癰疹疼痛成瘡

白殭蠶一兩炒黃色為末分四抄酒調服

傅樂明砮朴硝為末井水調雞羽掃敷

又方赤小豆荊芥穗碾為末雞子清調薄敷  
洗方蚕沙以新水煎密室溫洗

諸瘡

熱證平血飲治偏身生瘡膿血聳腫極痛且癢

乾葛

赤芍藥

升麻

各一兩

粉草

五錢

加天麻

蟬蛻

右剉散與人參敗毒散合和生薑薄荷生地黃麥門

冬去心煎不拘時候大效

敗毒散見傷寒陽證類

小牛黃圓治心肺積熱腎臟風毒攻於皮膚時生疥癩  
瘡癢難忍時出黃水及大風手足壞爛眉毛脫落一切  
風疾

玄參

荊芥穗

各四兩

苦參

半觔

大川烏

宣連

各一兩

真牛黃

二錢

右為末水糊圓梧桐子大每服三十圓熟水或茶清  
下一方加麻黃防風皂角末為膏入煉熟蜜為圓妙

牛黃清心圓

方見風科通治類

天麻煎治風毒入胃及心腎經絡攻注百節疼痛頭目  
虛腫痰涎不利下注腰腳弱緩生瘡婦人血風男子癩  
風乃風濕腳氣攻注皮膚瘙癢癰疹偏正頭風

川烏頭

淨洗灰炒  
裂去皮臍

草烏頭

水浸三日洗  
去皮各二兩

荆芥穗

四兩

乾薄荷

二兩

杜當歸

水浸三日曬  
乾八兩切

右為末醋糊圓如梧桐子大茶清下三十圓

酒蒸黃連圓治同上

方見大方科諸氣  
類米飲下三十圓

荆黃湯治惡瘡生背脇頭腦四肢要害處連進一二服



得利即效未利再服

方見大方  
科積熱類

當歸飲治心血凝滯內蘊風熱發於皮膚徧身瘡疥或  
腫或癢或膿水浸淫或發赤疹瘡癰

當歸

去蘆

白芍藥

川芎

生地黄

洗

白蒺藜

炒去  
尖

防風

去蘆

荆芥穗

各一  
兩

何首烏

黃耆

去蘆

甘草

炙各半兩

川芎

當歸

地黄

甘草

芍藥

各等分

防風

荆芥

鳳尾草

酌  
量

加

右劉散每服三大錢水一盞半煎服經驗

五香連翹湯治風氣風癰瘡除升麻大黃獨活木通乳

香五味忌食冷物服後小水必通

方見前

五苓散加瞿麥大畧治同上此方得之艱用之取效

敷藥合掌散治偏身生瘡百藥不效

檳榔

五箇  
為末

硫黃

五錢生者  
研細末

膩粉

半錢

右和勻每服一錢安於手心內油調夜卧時塗外腎

不得洗手但擦手令乾可也一二日瘡即愈

通治多年惡瘡不瘥爛搗馬齒莧敷之亦治反花瘡其  
形如花開之狀燒灰以猪脂塗敷 又方雞腸草研  
細取汁拂其瘡以渣蓋之或為末猪脂調敷極效

赤小豆方治善惡瘡疥或赤腫無不愈者

右用赤小豆七七粒為末敷之愈或以水調敷瘡及  
四傍赤腫處落則再敷又方剉散每服二錢水一盞  
煎服仍用新汲水調藥敷緣赤豆粉粘物即乾難揭

則用芋根為末和之便不粘此法尤佳

殺蟲方

雞心檳榔

一兩

黃連

川山甲

十箇燒存性

射香

半錢

右為末用鴈茶末調塗三五日後用葱湯洗

惡瘡方

苦練皮燒灰以猪脂調敷

青黛散治中部生濕瘡熱癢而痛寒熱大小便澀食亦

減身面微腫多食魚蝦發風熱物得之

馬齒莧四兩研爛入青黛一兩再研勻塗上立有神

效仍服八正散日三服

方見大方  
科積熱類

洗方苦參湯

苦參

蛇床子

白礬

荊芥穗

右等分用水煎放溫洗

驅風散

紅椒

開口者  
七粒

連根葱頭

七箇

右同煮水淨洗用絹衣泥乾即愈

指縫搔癢成瘡有竅出血不止多年糞桶箍篋乾燒灰敷之即安

火氣入瘡黃栢皮為末摻之立愈薄荷煎塗亦可

方見大方

科積熱類

漆毒成瘡磨鐵槽中泥塗之即愈又方蟹黃塗之效

癰瘡神降散治走皮癰用桑寄生一小把本榧桑根取皮一握白芷黃連煎湯溫和以帛蘸洗候露出盡拭乾

傳之

滿尺皂角

去弦核  
燒存性

麻竹大籜

燒存性

厚黃栢

鷹爪黃連

灰樟葉

乾

白芷

右等分為末清油調敷神效慎勿喫醋

凍瘡以茄子根濃煎湯洗并以雀兒腦髓塗之

又方治足上凍爛生瘡黃丹為末用猪脂調敷

人面瘡用貝母為末小葦筒灌其瘡口數日成痂而愈  
白癩瘡每旦瘡上退白皮一升許如蛇蛻宜服解毒雄

黃圓三四服即安

方見風科  
熱證類

甲疽瘡綠礬散

綠礬

半兩  
炒熟

蘆薈

一錢半

麝 一字

右研如粉以絹袋盛藥納指於袋中線扎定瘡為度  
月蝕瘡胡粉散

胡粉

炒微黃

白礬

煨

黃丹

煨

黃連

淨

輕粉

各二錢

胭脂

一錢

麝香

少許

右為末先以溫漿水入鹽洗拭後摻藥乾則用清油



調

癩頭瘡先用本人小便燒秤錘令紅投於小便中方與洗瘡皮皆去然後以帛拭乾用滴清五文細研用油魚三箇以盞燒成油調滴青塗之三日效

頭上風屑極癢用藜蘆根不拘多少為末先洗頭須避風候稍乾時用藥終定須要藥入髮至皮方可緊縛兩日夜

腎臟

活血驅風散治肝腎虛為風毒所入濕痺生瘡

當歸去尾

川芎

白芷

華陰細辛

白蒺藜炒去刺

桃仁浸去皮尖焙

白芍藥

半夏洗

五靈脂

甘草各三錢

蒼朮炒

杜仲去粗皮薑

汁炒斷絲

辣桂

天麻

薏苡仁

橘紅

檳榔

厚朴

去粗皮薑汁炒

枳殼去穰切炒

各四兩

右剉散每服三錢水一盞半生薑五片棗二枚煎去

滓入乳香末少許以佐心氣使心腎相交挾熱去桂  
乳香加黑豆煎服

青木香圓踈導腎經風水腎虛挾邪浮腫多用安腎圓  
少用青木香圓夾和鹽湯下屢效

方見大方科諸  
疰及虛損類

小牛黃圓治腎虛挾熱陰囊癢痛多瘡

方見前

烏荊圓治肝腎風癢

方見風科  
通治類

神妙丹治外腎濕癢

方見風科  
虛節風類

不換金正氣散踈導脾腎濕氣

方見大方  
科時疫類

莖物腫爛淫汁方大腹皮一升苦參荆芥各二兩煎湯  
溫洗拭乾以津液塗潤次用油髮燒存性入白芨末少  
許敷逐日煎湯密室洗換或加乳香末仍服蠟礬圖以  
髮灰末米飲調吞下 方見前

腎臟風發瘡疥

雞心檳榔

二箇破開以黃丹三錢  
合在內用濕紙裹煨

全蝎 六箇

明硫黃

四錢

右為末入輕粉半錢麝香少許青黛末半錢於磁器

內收每用少許清油調抹兩掌揜外腎女以兩掌揜  
兩乳各睡至醒次日又用經驗

又方大紅川椒去目水蘸濕半日炙生杏仁研膏擦手  
如上法亦效

外腎疳瘡用抱雞卵殼鷹爪黃連輕粉各等分為末煎  
過清油調敷香附子白芷五倍子煎水洗

陰莖瘡

豆粉一分

蚯蚓二分

右用水研塗上乾又敷之

陰囊上瘡

甘草煎湯溫洗却用鴈茶末就敷貼

陰頭生瘡

右用溪螺殼溪港中螺舊者為妙乾鍋中煨過為末  
先以鹽水洗五七次後以前藥敷之

妬精瘡

右用大田螺兩箇和殼煨過存性為末入輕粉搽所

患處即可安

又方治年少陽道興起當泄不泄不泄強泄脹斷嫩皮  
初如針眼大畏疼不敢洗刮日久攻入皮肉連莖潰  
爛一二寸許用荆芥黃柏皮馬鞭草甘草生葱煎湯  
洗去膿靨以訶子燒灰入麝香少許乾摻患處仍斷  
房事數月臨睡喫冷水兩三口勿令陽道興起脹斷  
瘡靨堅後即安矣

津調散治妬精瘡膿汁淋漓臭爛

黃連

款冬花

各等分

右為末以地骨皮蛇床子煎湯用軟帛浥乾津調藥塗之最忌不得用生湯洗諸瘡皆然

痂子滑石粉

綠豆粉

二兩  
焙透

軟滑石

一兩  
研

右為末和勻以綿撲子蘸撲仍以膩粉佐之

蛇纏瘡用雄黃為末醋調塗仍用酒服凡為蛇傷及蜂蠆蜈蚣毒蟲顛犬所傷皆可用又方用鏡面草入鹽



搥爛敷瘡頭上立效

痱子痒痛方

新汲井水擲青蒿汁調蛤粉敷之雪水尤妙

洗方治諸般惡瘡

黃栢茵陳荊芥葱白藿香煎水溫溫淋洗

癬瘡

胡粉散治一切癬神效

胡粉 一分

砒霜 半分

大草烏

一箇生用

硫黃

一分別研

蝎稍

七枚

雄黃

一分

斑蝥

一箇

麝香

少許

右為末先以羊蹄根蘸醋擦動次用藥少許擦患處  
烏頭圓治宿患風癰遍身黑色肌體麻木痺痛不常

生烏頭一觔刮洗去皮令極淨攤乾用清油四兩鹽  
四兩同藥入銚內炒令深黃色取出剝油只留鹽并  
藥再炒令黑色煙出為度取一箇劈破心內如米一  
點白者恰好白多再炒起熱羅為末醋糊圓如梧桐  
子大每服三十圓空心溫酒下然草烏性差熱難製

五七日間以烏豆煮粥解毒

通身牛皮癬方

川烏

草烏 去皮尖

何首烏

白芷

蘇木 各等分

右截小片臘月豬脂油煮焦候冷入鹽少許磁器收  
時常挑一匙空心酒調下

又方雌黃末入輕粉豬脂調抹

又方斑蝥

燈上燒米醋內淬再燒再淬  
凡三兩次就燒為灰存性

右用紅棗一枚湯泡剝去皮核與藥同研爛先以手抓破癬然後搽藥不可犯好肉恐有毒

昨葉荷草散治一切癬無問風濕氣血與夫相染而生者

昨葉荷草

一兩无  
上日乾

枯礬 一錢

雄黃 半錢

右為末以羊蹄菜根先蘸醋搗癬上令痒破即以藥末乘濕塗傳不過三兩次而愈更服局方何首烏散虛者消風散合和服

方見風科

灸法八月八日日出時令病人正當東向日長跪平舉  
兩手時度兩邊取肩頭小垂際骨解宛宛中灸之兩  
火俱下各三壯若七壯十日愈

臙瘡

牛黃金虎丹治足面生瘡下連大指上延外踝臙骨每  
發兼旬昏暮痒甚爬搔出血如泉痛楚不可忍夜分漸  
已明日復然每服一圓新汲水下膈膊有所下即愈

天雄

泡去皮  
擠一兩

白礬

枯

天南星

湯洗

天竺黃

研

膩粉

研各二兩一錢

牛黃

研二錢

雄黃

研飛十二兩半

生龍腦

四錢

金箔

六十五片為衣

右為末煉蜜搜和每一兩半作十圓金箔為衣

得效三聖散

花蕊石散

方產科保產類

復元通氣散

方見前

追風獨活散

方見風科通治類

右各一貼合和酒調空心服

又方治瘡生於脚脰名下注瘡俗謂之袴口瘡或因物

打撲而成者其瘡口狹皮內極闊皮薄如竹膜極痒痛終日黃水流延蔓而生甚者數年不愈又易於染過他人患此者須忌房室則易愈內外臙瘡皆治之

韭菜地上地龍糞乾為末入輕粉清油調敷白犬血亦可

又方治脚肚上生瘡初則如粟漸大爪搔不已成片包脚相交黃水出痒不可忍久成痼疾最難愈

百藥煎研細津唾調逐連塗敷自外而入先以貫衆

煎湯淋洗後用藥

又方石榴皮煎取濃汁稍冷拂瘡上冷如冰雪即成痂  
又方用鱖魚數條黃色者尤妙打死先用清油塗其腹  
下置瘡上盤屈令徧帛子繫定食頃覺瘡痛不可忍  
然後取鱖魚看腹下有針眼大竅子皆蟲也如未盡  
再以數條依上再縛蟲去盡却用死人脚脛骨燒灰  
清油調敷或以骨灰一兩入好茶末二錢同調亦可  
又方亦可治打撲脚脛上成瘡此最難愈



檳榔半兩

龍骨一分

輕粉半錢

乾猪屎兩半

燒存性

右為末先以甘草鹽湯淨洗瘡口軟綿拭乾清油調敷一日一換五日定差忌無鱗魚魚鮓熱麵

又方治冷膿瘡鹿角灰髮灰乳香為末清油調敷

又方治足上生瘡臭穢潰爛漏藍子一枚燒為末入膩粉少許井水調塗效

檳榔散治同上

全蝎七箇

斑蝥

十四箇

巴豆

十四粒

檳榔一箇

先用清油兩半慢火煎先入全蝎次斑蝥次巴豆隨下檳榔見巴豆黑色方入黃蠟一兩候溶去藥滓不

用只用蠟油入後藥

黃蘗皮

炙

蛇床子

各研

二錢

雄黃

研

硫黃

研生者

黃丹

火飛

海螵蛸

各一錢

白膠香

黃連

杏仁

輕粉

清油

膠香與油先溶

右為末同入清油中調敷瘡上立效

單方治臙瘡成舊累月不乾

上好好砂糖先用鹽湯淋洗後綿帛拭乾以津唾塗却以此敷上三日愈神效

粉麝散治外臙瘡臭爛數十年不愈者

生龜一箇

烏者打死去肉取殼酸醋一碗炙醋盡為度仍煨令白烟盡存性用盤蓋地上

出火毒

右為末入輕粉麝香拌勻臨用先以葱水洗乾方用

藥

牡礪散收斂瘡口令乾

牡礪一塊

用破草蓆包裹入火內煨令通紅去火俟冷取出研

右隨用時旋入枯飛過白礬少許拌和敷瘡口上

秘方治脚脛骨上作瘡久爛黑或發孔或臭穢不可近  
用地龍十數條小竹簽穿定瓦上焙乾為末真清油  
調敷劃時取效

秘方隔壁膏用多年老杉木節燒灰真清油調箬葉盛  
隔貼在瘡上以絹帛繫定不數貼而愈

洗藥用海桐皮石榴皮等分煎湯淋洗令淨然後用薰藥

熏藥用牛蒡子半兩研為末入紙撚之內燒熏之然後塗藥

手足裂腫

白及膏治斷根皸用頭髮一大握桐油一椀於瓦器內熬候油沸頭髮溶爛入川白芷白及松脂末出火攤冷以瓦器收貯不容灰入每用百沸湯泡洗皸裂令

軟拭乾敷其上即安或加少水粉

秘方五倍子為末用牛骨髓填縫內即愈

又方手足皸裂春夏不愈者

生薑汁

紅糟

鹽

猪膏

臘月者佳

右同研爛炒熱擦入縫內一時雖痛少頃皮軟縫合仍再用之即安

治久行脚心腫痛方蚯蚓糞塗腫處高擱起脚一夕即愈

又方行路脚跟腫痛用草烏甘遂各等分為末新汲水調敷露出腳爪甲

黃蠟膏治冬月手足拆裂

清油半兩盞內慢火煎沸入黃蠟一塊同煎候溶入光粉五倍子末少許熬令稠紫色為度先以熱湯洗火上烘乾即用藥敷薄紙貼之

傅藥治遠行腳腫用之可行千里輕便甚妙

防風

北細辛

草烏

各等分

右為末摻鞋底內如著草鞋即以水微溫過然後摻藥

漏瘡

蠟礬圓治癰疽發背瘰癧漏瘡惡瘡衛內膜驅解諸毒

自然內消神效

方見前

解溫散溫散漏瘡風冷

藿香葉

厚朴

去粗皮  
薑汁炒

半夏麴

橘皮

蒼朮

炒

細辛

川芎

白芷

各一分



辣桂

川白薑主

甘草

各半分

右剉散每服三錢水一盞生薑棗子煎服

猪腎酒通行漏瘡惡水自大腸出

黑牽牛研細去皮取末一分入猪腎中以綫扎青荷葉包慢火煨熟細嚼溫鹽酒下

食治方治漏瘡肛門周匝有孔十數諸藥不效用熟犬肉蘸濃藍汁空心食之不食犬肉驢肉代之七日自安

桂附圓治氣漏冷漏諸瘡

桂心

附子

炮裂米醋中浸再炮  
燂三五次去皮尖

厚朴

去粗皮薑

汁炒

甘草

炙

白朮

各一兩

木香

一分

乳香

二錢  
另研

右為末煉蜜圓梧桐子大空腹米飲下三五十圓

乳香雲母膏治漏瘡效

穿山甲

浸一宿去肉  
用一百片

真蚌粉

同炒候香熟起  
泡去粉以甲為

末細  
研

右入乳香末一錢麝香半錢夾和雲母膏十五貼為

圓梧桐子大每服三十圓溫酒下仍以鹿角膠調鹽

酒服神授散

方見大方科癆瘵類

安腎圓山藥圓二藥多服調養

方並見大方科虛損

代赭石圓治痔變為瘻膿血不止

代赭石

煨醋  
研

磁石

煮米醋  
煎茶細研

白礬

煨

牡礪灰

龍骨

研

蛻皮

炙焦

皂莢刺

燒

猪後蹄垂甲

燒各  
存性

赤石脂

川椒

焙

木賊 焙

蜂房 炒各等分

右為末神麴糊圓如小豆大每服五十圓食前艾并生薑煎湯下漏血處以熟艾搜和血竭塞日三換

雄黃膏治積年冷漏黃水不止

雄黃

硫黃 研細各一分

頭髮

黃蠟 各半兩

右用清油二兩煎熬頭髮溶盡去滓次入雄黃硫黃碎片黃蠟慢火上用枝頻攪為膏攤生絹貼用藥先以赤甘草頭煎湯洗或露蜂房白芷煎湯常洗常貼

黑靈散漏瘡通用

露蜂房

剉二分

牡礪粉

黃丹

硫黃

各一分研

細末

右同炒令煙盡為末入髮灰一分麝少許拌和敷患處麝能引藥透達亦殺虫

又捷效方用信石新瓦上火煨過為末以津液潤紙撚子蘸少許推入瘡孔內如瘡孔多不可齊上藥免使害人

血竭散治痔漏痛不可忍

血竭

牡蠣灰

髮灰

各等分

右為末入麝香少許自以津唾調敷如更痛研杏仁膏調藥敷之

洗漏瘡方漏瘡孔中多有惡穢常須避風洗淨每用白芷及露蜂房煎湯洗或大腹皮苦參湯洗洗畢候水出拭乾用向東石榴皮晒為末乾摻

久冷漏瘡用活鱖魚五六條擲地以竹針貫之覆瘡良

久當有蟲出如線復之使盡用檳榔黃連末敷明日以乾艾作湯投白礬三二錢洗不一月全愈

### 療癰

白花蛇散治九漏療癰發於項腋之間增寒發熱或痛或不痛

白花蛇

酒浸軟去皮骨焙乾取二兩

生犀角

鎊半錢

青皮

半兩

黑牽牛

半兩半生半炒

右為末每服一錢入膩粉半錢研勻五更糯米飲調

下已時利下惡物乃瘡之根也更候十餘日再進一服忌發風壅熱物如已成瘡一月可效用之神靈

四聖散治療瘰用花蛇散取轉後用此補之永去根本

海藻

洗

石決明

煨

瞿麥穗

羌活

各等分

右為末每服二錢米湯調下日三服下清水盡為妙

牽牛圓立效

荊芥穗

僵蚕

各五錢

斑蝥

二十八箇去頭翅足用糯米炒

黑牽牛

五錢



右為末皂角末熬膏為圓菜豆大臨睡時先用米飲調滑石末一錢服半夜時再一服五更初却用溫酒吞二七丸服訖如小便無惡物行次日早再進一服又不行第三日五更初先進白糯米稀粥湯却再進前藥一服更以燈心湯調琥珀末一錢服之以小便內利去惡毒是其應也

連翹圓治療癰結核或破未破者

薄荷

新者二觔  
剉取汁

皂角

二挺水浸去  
皮剉取汁

以上二味於銀石器內熬成膏次入

青皮

陳皮

各一兩

連翹

半兩

黑牽牛

半炒

皂角子

慢火炮去皮取仁搗羅為末各

半兩

右為末用前膏為丸梧桐子大煎連翹湯食前下三

十九

三聖圓治療癰

丁香

五十箇

斑蝥

十箇

麝香

一分  
另研

右為末用鹽豉五十粒湯浸爛如泥和藥令勻丸如

菴豆大每服五七丸食前溫酒送下日三服至五七  
日外覺小便淋瀝是效即加服或便下如青筋膜之  
狀是病之根忌濕麵毒食

必勝圓治療癰不以年深日近及腦後兩邊有小結核  
連復數箇蕪勞療腹內有塊

鯽魚

一箇去腸肚并子入雄黃一塊雞子大礪砂  
一錢於腹內仰安魚於炭火上燒煙盡取出

以全蜈蚣一條蓬朮半兩梔子五箇皂角二並燒  
草麻五箇去皮燈上燒黃明膠三錢皂角二挺去

皮酥  
灸

右為末別用皂角二挺去皮槌碎以水三碗搥汁去  
滓煮精羊肉四兩爛軟入輕粉五匣男子乳汁半兩  
同研成膏和藥末丸如菉豆大朱砂為衣溫酒侵晨  
十九日一服至晚下肉疣瘡子若項有五箇則以五  
服藥取之視其所生多少以為服數既可更進數服  
如熱毒瘡癰未有頭頂者亦用消散一方加巴豆三  
七粒燒存性入

旱蓮子圓治少長臟氣不平憂怒驚恐諸氣抑鬱結聚

瘰癧滯留項腋及外傷風寒燥濕飲食百毒結成諸漏  
發作寒熱過於項腋無問久近悉驗

旱蓮子

連翹子

葳靈仙

何首烏

蔓荊子

三稜

醋濕紙裏熟煨

赤芍藥

以上各一兩

南木香

二兩不見火

大皂角

三挺括去皮酥炙無則用羊脂

右為末米糊圓梧桐子大茶清下三十九至五十九  
日三服小兒量與之食後服

破毒雄黃圓治瘰癧久作不愈寒熱往來項筋攣急已

破未破皆可服之立見逐下惡物自小便中來

通明雄黃

顆塊大朱砂各三錢

水銀二錢

斑蝥

二十八箇去足  
翼用糯米炒黃

右先以斑蝥為末續以雄黃朱砂另研為末再入水  
銀細研合和用雞子清和糯米稠糊為丸棗豆大每  
服二七丸米飲或溫酒下如惡物未見半朝再一服  
已驗方治療瘰已作者

烏雞子七枚

斑蝥

四十九箇  
去頭翅足

右每雞子一箇去頂用筋攪勻入斑蝥七粒以紙糊  
蓋於飯上蒸熟取開去斑蝥食雞子每食一箇煎生  
料五積散嚥下服不過四五已破者生肌未破者消  
散

海菜圓治癰生於頭項上交接名蛇盤癰宜早治之

海藻菜

蕎麥炒  
去殼

白殭蚕

炒斷絲

右為末取白梅肉泡湯為丸梧桐子大每服六七十  
丸臨卧米飲送下其毒當自大便泄去忌豆粉雞羊

酒麵日五六服

經效方治療癰久年不愈者

不蛀皂角子一百枚用米醋一升硃砂二錢同煮醋  
盡炒令酥看數癰子多少如生一箇服一枚生十箇  
服十枚細嚼米湯下酒浸煮服亦可

立應散治療癰神效已破未破皆可服

連翹

赤芍藥

川芎

當歸

甘草

炙

滑石

研各半兩

黃芩

三錢

白牽牛

生取



木

土蜂房

蜜水洗飯上蒸  
日乾各二錢半

地膽

去頭  
翅足

和米炒黃為  
度秤三錢

川烏尖

七箇

右為末每服一大錢濃煎木通湯調下臨卧服毒氣  
從小便中出澁痛不妨如粉片塊血爛肉是也如未  
效後再服繼以薄荷湯解其風熱且地膽性帶毒濟  
以烏尖或銜上麻悶不能強制嚼葱白一寸茶清下  
以解之如小便澁燈心煎湯調五苓散服瘡處用好  
膏藥貼若療癰疽用此宣導惡毒本方去黃芩不用

皂角散

不蛀皂角不以多少每三十條作一束以棕櫚裹之  
縛定於溷缸內浸一月取出却於長流水內再浸一  
月死水不能浣洗不可用去棕櫚曬乾不得焙搗羅  
為末每一兩入麝香半錢全蝎七箇研細拌勻每服  
一二錢溫酒或湯飲調下一兩服愈

粉乳托裏散治療癰攻心嘔吐發出其毒

方見前

蠟礬圓治療癰神效

方見前

蝸牛散治瘰癧已潰未潰皆可貼

蝸牛

不拘多少以竹篾串尾上晒乾燒存性

右為末入輕粉少許猪骨髓調用紙花量病大小貼之一法以帶殼蝸牛七箇生取肉入丁香七粒於七殼肉燒存性與肉同研成膏用紙花貼之

燒灰散

大田螺并殼肉燒存性已破者乾貼未破者清油調敷

洗傳方白芷煎湯泡荊芥候溫軟帛蘸洗拭乾好膏藥敷貼濃汁惡肉出盡用後藥傳

半夏

南星

血竭 一錢

輕粉 少許

右為末以津唾調敷一方用五倍子海螵蛸檳榔雷丸五靈脂麝香為末乾用清油調搽濕則乾摻

天傳方治療癰初作未破作寒熱

木鱉子二箇草烏半兩以米醋磨入搗爛葱白連根蚯蚓糞少許調勻敷癰上以紙條貼令通氣孔尤妙

欽瘡口

血竭 一亭

棗子

燒反半錢

麝香

少許

右灰研津唾調敷

灸法

以手仰置肩上微舉肘取之肘骨尖上是穴隨患處  
左即灸左右即灸右艾炷如小筋頭大

再灸如前不過三次永無恙如患四五年者如或用  
藥厲不退辰時著火申時即落所感稍深若三作即

三灸平安又法只以蒜片貼在癰上七壯一易蒜多  
灸取效

瘤癰

南星膏治皮膚頭面上瘡瘤大者如拳小者如粟或軟  
或硬不疼不痛宜服

右用天南星一枚細研稠糊用米醋五七滴為膏如  
無生者用乾者為末醋調如膏先將小針刺痛處令  
氣透却以藥膏攤紙上象瘤大小貼之

治小瘤方先以甘草煎膏筆蘸糊瘤傍四圍乾後復糊  
凡三次後以藥傳

大戟

芫花

甘遂

右為末米醋調別筆蘸傳其中不得近著甘草處次  
日縮小又以甘草膏再小暈三次中間仍用大戟芫  
花甘遂如前法自然焦縮凡骨瘤肉瘤膿瘤血瘤石  
瘤皆不可決惟脂瘤決去其脂粉則愈

蓋六種瘤瘡  
肉瘤尤不可

治則  
殺人

蠟礬圓治同上

方見前

繫瘤法兼去鼠妳痔真奇藥也

用芫花根淨洗帶濕不得犯鐵器於木石器中搗取  
汁用線一條浸半日或一宿以線繫瘤經宿即落如  
未落不換線不過兩次自落后以龍骨訶子末傅瘡  
口即合繫鼠妳痔依上法累用大效如無根只用花  
炮濃水浸線

黃丹末治鼻瘡癰子及面上雀兒斑



黃丹

硃砂

巴豆去油

餅藥各二錢

右為末入生礦石灰末一錢雞子清調勻酒瘡用鵝翎刷上雀兒斑竹針刺破挑藥點之纔覺痛及微腫可洗去

丁瘡

秘方治丁瘡

防風

細辛

甘草節

白殭蚕

青皮

黃連

羌活

獨活

蟬退

赤芍藥

各平  
兩分

右剉散每服五錢先將一服入澤蘭葉少許薑一兩  
搗極爛熱酒沖服後用酒水各半蓋生薑三片煎服  
病勢退減後再入大黃少許煎服下一兩洗蕩去餘  
毒更用白梅蒼耳子研爛貼瘡上拔去根脚此方以  
藥味觀之甚若不疾然有效驗速累試之

秘方治魚臍丁瘡

絲瓜藥

即虞刺藥

連鬚葱

韭菜

右同入石鉢內搗爛如泥以酒和服並貼腋下如病  
在左手貼左腋下右手貼右腋在左足貼左膀右足  
貼右膀如在中則貼心臍並用布帛包住候肉下紅  
絲處皆白則可為安如有潮熱亦用此法却令人抱  
住恐其顛倒則難救矣

酒煎方治丁瘡

赤烏柏根

水柳根

水楊梅根

慈頭根

紅內消

香白芷

各等分

右多為剉散酒煎旋入通明雄黃研爛同服如瀉時  
瘡勢畧退時只喫此藥若不瀉再服通利藥

通利藥

黑牽牛

炒一兩

巴豆

十五箇  
去油

大黃

五錢  
生用

右為末米糊圓如菴豆大初服七九次五九第三服  
三九如瀉不止喫白米粥及冷水洗五心如一服即  
瀉住服量人虛實與服如人盛服前二藥通再服後  
藥人十分實者

通藥

芫花

巴豆

大黃

荊芥

各等分生

用

右剉散白水煎一沸便濾過空心服可留藥滓再煎服若要瀉住再服一服便住

連翹散瀉後用此

連翹

當歸尾

羌活

獨活

防風

赤芍藥

小赤豆

各五錢

大黃二錢

木香

菇蕒

茨菇

薄荷

紅內消

杜白芷

升麻

甘草

忍冬草

各三錢

若潮不退加黃芩葩子仁

各三錢

朴硝

四錢

右為末酒調服不拘時候薄荷湯亦可喘加人參大病三四服愈如煩嘔甘草半兩豆粉一兩為末酸蘆水下如割瘡去了疔子止血用毛鐵甲為末傳之立效

角瘡口方

霜梅 十箇

大黃 五錢

右為塊子用石灰炒過去石灰入黃丹三錢為末乾  
摻瘡口上

蟬蛻散治丁瘡最有功效用蟬蛻殭蚕為末酸醋調塗  
四畔留瘡口俟根出稍長然後拔去再用藥塗瘡

蟾蜍散治丁瘡取蟾酥以白麵黃丹搜作劑圓如麥顆  
狀用指甲爬動瘡上插入重者針破患者以一粒內

之仍以水沉膏貼之取蟾酥法用癩蛇蛻於眉稜上  
以手按出酥於油紙上或桑葉上用新瓦盛下然後  
插在背陰菜及諸毒物切忌

灸法治諸癰灸大空穴三七壯又灸肩髃左右相當宛  
宛處男左十八壯右十七壯女右十八壯左十七壯  
穴在肩端兩骨間陷者宛宛中舉臂取之

又灸兩耳後髮際共百壯

世醫得效方卷十九



# 欽定四庫全書

子部

世醫得效方卷二十

詳校官太醫院醫士 臣 舒 斌

編修 臣 倉聖脈覆勘

總校官降調編修 臣 倉聖脈

校對官助教 臣 羅萬選

謄錄監生 臣 顧裕涇

欽定四庫全書

世醫得效方卷二十

孫真人養生書

養性序

元 危亦林 撰

夫養性者欲所習以成性性自為善不習無不利也性既自善內外百病自然不生禍亂災害亦無由作此養性之大經也善養性者則治未病之病是其義也故養性者不但餌藥食霞其在兼於百行百行周備雖絕藥

餌足以遐年德行不充雖服玉液金丹未能延壽故老子曰善攝生者陸行不遇虎兇此則道德之佑也豈假服餌而祈遐年哉聖人所以制藥餌者以救過行之人也故愚者拘病歷年而不修一行纏痼沒齒終無悔心嵇康曰養性有五難名利不去為一難喜怒不除為二難聲色不去為三難依味不絕為四難神慮精散為五難五者必存雖心希難老口誦至言咀嚼英華呼吸太陽不能不迴其操不夭其年也五者無於胸中則信順

日躋道術日全不祈善而有福不求壽而自延此養生之大指也

黃帝問於歧伯曰余聞上古之人春秋皆度百歲而動作不衰今時之人年至半百而動作皆衰者時代異耶將人失之耶歧伯曰上古之人其知道者法於陰陽和於術數飲食有常節起居有常度不妄作勞故能形與神俱而盡終其天年度百歲乃去今時之人則不然以酒為漿以妄為常醉以入房以慾竭其精以耗散其真

不知持滿不時禦神務快其心逆於生樂起居無節故  
半百而衰也夫上古聖人之教下也皆為之虛邪賊風  
避之有時恬澹虛無真氣從之精神內守病安從來是  
以人之壽夭在於搏節若消息得所則長生不死恣其  
情慾則命同朝露也人年四十而陰氣自半也起居衰  
矣年五十體重耳目不聰明也年六十而陰痿氣力大  
衰九竅不利下虛上實涕泣俱出故曰知之則強不知  
則老仲長統曰王侯之宮美女兼千卿士之家侍妾數

百晝則以醇酒淋其骨髓夜則房室輸其血氣耳聽淫  
聲目樂邪色醺內不出遊外不返王公得之於上豪家  
馳之於下及至生產不時字育太早或童儒而擅氣或  
疾病而搆精精氣薄惡血脈不充既出胞臟養護無法  
又蒸之以綿繡燂之以五味胎傷孩病而脆未及堅剛  
復縱情慾重重相生病病相孕國無良醫醫無審術奸  
佐其間過謬常有會不一疾莫能自免今少百歲之人  
者豈非所習不純正也抱朴子曰或問所謂傷之者豈

色慾之門乎荅曰亦何獨斯哉然長生之要其在房中  
上士知之可以延年除病其次不以自伐若年當少壯  
而知還陰丹以補髓采七益於長俗

一作谷

者不服藥物

不失一二百歲也但不得仙耳不得其術古人方之於  
凌杯以盛湯羽苞之蓄火又且才所不逮而強思之傷  
也力所不勝而強舉之傷也深憂重志傷也悲哀憔悴  
傷也喜樂過度傷也久談言笑傷也寢息失時傷也挽  
弓引弩傷也沈醉嘔吐傷也飽食即卧傷也跳走喘乏

傷也懽呼哭泣傷也陰陽不交傷也積傷至盡盡則早  
亡盡則非道也是以養性之士唾不至遠行不疾步耳  
不極聽目不極視坐不久處立不至疲卧不至懽先寒  
而衣先熱而解不欲極飢而食食不可過飽不欲極渴  
而飲飲不欲過多飽食過多則結積聚渴飲過多則成  
痰癖不欲甚勞不欲甚佚不欲流汗不欲多唾不欲奔  
走車馬不欲極目遠望不欲多啖生冷不欲飲酒當風  
不欲數數沐浴不欲廣志遠願不得規造異巧冬不欲



極溫夏不欲窮涼不欲露卧星月不欲眠中用扇大寒  
大熱大風大霧皆不欲冒之五味不欲偏多故酸多則  
傷脾苦多則傷肺辛多則傷肝鹹多則傷心甘多則傷  
腎此五味尅五臟五行自然之理也凡言傷者亦不即  
覺也謂久則損壽耳是以善攝生者卧起有四時之早  
晚興居有至和之常制調利筋骨有偃仰之方祛疾閑  
邪有吐納之術流行榮衛有補瀉之法節宣勞佚有與  
奪之要忍怒以全陰抑喜以養陽然後先服草木以救

虧缺後服金丹以定無窮養性之理盡於此矣皇甫隆  
令曰常聞道人薊京已年一百七十八而甚丁壯言人  
當朝朝服食玉泉琢齒使人丁壯有顏色去三蟲而堅  
齒玉泉者口中唾也朝旦未起早漱津令滿口乃吞之  
琢齒二七遍如此者名曰練精秘康曰穰歲多病饑年  
少疾信哉不虛是以關中土地俗好儉嗇廚膳餽饅不  
過菹醬而已其人少病而壽江南嶺表其處饒足海陸  
鮭膾無所不備土俗多疾而人早夭北方仕子遊宦至

彼遇其豐贍以為福佑所臻是以尊卑長幼恣口食敝  
夜長醉飽四體熱悶赤露眠卧宿食不消未逾朞月大  
小皆病或患脚氣脹滿霍亂或寒熱瘡痢惡核丁腫或  
癰疽痔漏或偏風癱退不知醫療以至於死凡如此者  
比肩皆是惟云不習水土都不知病之所由靜言思之  
可為太息也學者先須識此以自識慎抱朴子曰一人  
之身一國之象也胃腹之位猶宮室也四肢之別猶郊  
境也骨節之分猶百官也神猶君也血猶臣也氣猶民

也知治身則能治國也夫愛其民所以安其國惜其氣所以全其身民散則國亡氣竭則身死死者不可生也亡者不可全也是以至人消未起之患治未病之疾醫之於無事之前不追於既逝之後夫人難養而易危也氣難清而易濁也故能審威德所以保社稷割嗜慾所以固血氣然後真一存焉三一守焉百病却焉年壽延焉

道林養性

真人曰雖常服餌而不知養性之術亦難以長生也養性之道常欲小勞但莫大疲及強所不能堪耳且流水不腐戶樞不蠹以其運動故也養性之道莫久行久立久坐久卧久視久聽蓋以久視傷血久卧傷氣久立傷骨久坐傷肉久行傷筋也勿汲汲於所欲勿悁悁於懷忿恨皆折壽命若能不犯則得長生也故善攝生者常少思少念少慾少事少語少笑少愁少樂少喜少怒少好少惡行此十二少者養性之都契也多思則神殆多

念則志散多愁則志昏多事則形勞多語則氣乏多笑  
則臟傷多愁則心懾多樂則意溢多喜則志錯昏亂多  
怒則百脈不定多好則專迷不理多惡則憔悴無懽此  
十二多不除則榮衛失度血氣妄行喪生之本也惟無  
多無少者幾於道矣是知勿外緣者真人初學道之法  
也若能如此者可居瘟疫之中無憂疑矣既屏外緣會  
須守五神肝心脾肺腎從四正言行坐立言最不得浮思妄想  
欲事惡邪大起故孔子曰思無邪也了了分明勿輟也

仍於每旦初起面向午展兩手於膝上心眼觀氣上入頂下達涌泉旦旦如此名曰過氣常以鼻引氣口吐氣小微吐之不得開口復欲得氣少出入氣多每欲食送氣入腹每欲食氣為主人也凡心有所愛不用深愛心有所憎不用深憎率皆損性傷神亦不用深讚亦不用深毀常須運心於物平等如覺偏頗尋改正之居貧勿謂常貧居富莫謂常富居貧富之中常須守道勿以貧富易志改性識達道理似不能言有大功德勿自矜伐

美樂勿離手善言勿離口亂想勿經心常以深心至誠  
恭敬於物慎勿詐善以悅於人終身為善人所嫌勿得  
起恨事君盡禮人以為諂當以道自平其心道之所在  
其德不孤勿言行善不得善報以自怨仇居處勿令心  
有不足若有不足則自抑之勿令得起人知止足天遺  
其祿所至之處勿往多求則心自疲而志自苦若夫人  
之所以多病當由不能養性平康之日謂言常然縱情  
恣慾心所欲得則便為之不拘禁忌欺罔幽明無所不



作自言適性不知過後一一皆為病本及兩手摸空白  
汗流出口唱皇天無所逮及皆以平生粗心不能自察  
一至於此但能少時內省身心則自知見行之中皆畏  
諸疴將知四百四病身手自造本非由天及一朝病發  
和緩不救方更誹謗醫藥無效神仙無靈故有智之人  
愛惜性命者當自思念深生愧恥誠勅身心常修善事  
也至於居處不得紛靡華麗令人貪婪無代乃患害之  
源但令雅素淨潔無風雨暑濕為佳衣服器械勿用珍

玉金寶增長過失使人煩惱根深厨膳勿用脯肉常令儉約為佳然後行作鵝王步語作含鐘聲眠作獅子卧

右勝脇著地坐脚也

每日自詠歌云美食須熟嚼生食不粗吞問

我居止處大宅總林村胎息守五臟氣至骨成仙又歌曰日食三箇毒不嚼而自消錦繡為五臟身著糞掃袍修心既平又須慎言語凡言語讀誦常想聲在氣海中

脰下是也

每日初入後勿言語讀誦寧待平旦也旦起欲專

言善事不欲先計較錢財又食上不得語語而食者常

患胃背痛亦不用厭卧多言笑寢不得語言者言五臟如鐘磬不懸則不可發聲行不得語若欲語須住脚乃語行語則令人失氣冬至日止可語不可言自言曰言荅人曰語言有人來問不可不荅自不可廢言也仍勿觸冷開口大語為佳言語既慎仍節飲食是以善養性者先飢而食先渴而飲食欲數而少不欲煩而多則難消也常欲令如飽中飢飢中飽耳凡飽則傷肺飢則傷氣鹹則傷筋酸則傷骨故後學淡食但當熟嚼使米脂

入腹勿使酒脂入腸人之當食須去煩惱

暴數為煩如  
侵觸為惱

食五味必不得暴噉多令人神驚夜夢邪怪每食不用  
重肉喜生百病常須少食肉多食飯及少菹菜并勿食  
生菜生米小豆陳臭物勿飲濁酒食麪使塞氣孔勿食  
生肉傷胃一切肉惟須煮爛停冷食之食畢當漱口數  
過令人牙齒不敗口香熱食訖以冷酢漿漱口者令人  
口氣常臭作蠱齒病又諸熱食鹹物後不得食冷酢漿  
水喜失聲成尸咽風熱食汗出勿當戶發痙疼痛令人

目澁多睡每食訖以手摩面及腹令津液通流食畢當  
行步躊躇計使中數里來行畢使人以粉摩腹上數百  
遍則食易消大益人令人能飲食無百病然後所修為  
真快也飽食即卧乃生百病不消或積聚飽食仰卧成  
氣痞作頭昏寒熱來者寒未解食熱食成刺風人不得  
夜食又云夜勿過醉飽食勿精思為勞苦事有損餘虛  
損人常須忌在巳時食訖則不須飲酒終身無乾嘔勿  
食父母本命所屬肉令人命不長勿食自己本命肉令

人魂魄飛揚勿食一切腦大損人茅屋漏水墮諸脯肉  
上食之成瘕約暴肉作脯不肯乾者害人祭神肉無故  
自動食之害人飲食上蜂行住食之必有毒害人腹內  
有宿病勿食鮫鯉魚肉害人濕食及酒漿臨上看視不  
見人物影者勿食之成卒注若已食腹脹者急以藥下  
之每十日一食葵葵滑所以通五臟擁氣又是菜之主  
不用合心食之又飲酒不欲使多多則速吐之為佳勿  
令至醉即終身百病皆除久飲酒者府藏積毒致令蒸

筋傷神損壽醉不可以當風卧不可令人扇涼皆即得病也醉不可露卧濕地當風取涼凡人醉不可強食或發癰疽或發瘡或生瘡醉飽不可以走車馬及跳躑醉不可接房醉飽交接小者面焦欬嗽大者傷絕臟脈損命凡人飢欲坐小便若飽則立小便慎之無病又忍尿不便膝冷成痺忍大便不出成氣痔小便勿努令兩足及膝冷大便不用呼氣及強努令人腰脊自虛宜任之佳凡遇山水塢中出泉者不可久居常食作癭病又深

陰地冷水不可飲必作痰瘧飲食以調時慎脫著凡人  
旦起著衣反著便著之吉衣光者三振之曰殃去吉溼  
衣汗衣皆不可久著令人發瘡及風瘙大汗能易衣佳  
不易者急洗之不爾令人小便不利凡大汗勿偏脫衣  
喜得偏風半身不遂春天不可薄衣令人傷寒霍亂食  
不消頭痛脫著既時須調寢處凡人卧春夏向東秋冬  
向西頭勿北卧及牆北亦勿安牀凡欲眠勿歌詠不祥  
睡起下牀先須左足卧勿當舍脊下卧訖勿留燈令魂



魄六神不安多愁怨人頭邊勿安火爐日久引火氣頭  
重目赤及鼻乾夜引當耳勿有孔吹人即耳聾夏不欲  
露面致令人面皮厚喜成癬或作面風冬夜勿覆頭得  
長壽凡人眠勿以脚上懸高處久成腎水及損尻足冷  
人每見十步直牆勿順牆面風利吹人發癰及體重人  
汗勿跂牀懸脚久成血痺兩足背腰疼又不得晝眠令  
人失氣卧勿大語損人氣力暮卧常習閉口口開即失  
氣且邪惡從口入久而成消渴及失血色屈膝側卧益

人氣力勝正偃仰按孔子不尸卧故曰睡不厭踧覺不厭舒凡人尸睡則有鬼痛魔邪凡眠先卧心後卧眼人卧一夜常作五度反覆逐更轉凡人夜魘勿燃燈喚之定死無疑暗喚之吉亦不得近前急喚夜夢惡不須說且以水面東持刀嚙之呪曰惡夢著草木好夢成珠玉即無咎矣又夢之善惡並勿說為吉衣食寢處皆能順時者吉始盡養生之道故善攝生者無犯日月之忌無失歲時之和須知一日之忌暮無飽食一月之忌晦無

大醉一歲之忌暮無遠行終身之忌暮無燃燭行房暮  
常護氣也凡氣冬至起於湧泉十一月至膝十二月至  
股正月至腰名三陽成二月至臍三月至項四月至頂  
純陽用事之月也每冬至日於北壁下厚堆草而卧云  
受元氣每八月一日已後即微火煖足勿令下冷無生  
意常欲使氣在下不欲泄於上春凍未泮衣欲下厚上  
薄養陽收陰繼世長生養陰收陽禍則滅門故云冬時  
天氣閉血氣伏藏人不可作勞出汗發泄陽氣有損於

人也又云冬日凍腦春秋腦足俱凍此聖人之常法也  
春欲晏卧早起夏及秋欲侵夜乃卧早起冬欲早卧而  
晏起皆益人雖云早起莫在雞鳴前晏起莫在日出後  
凡冬月忽有大熱之時夏日忽有大涼之時皆勿受之  
人有患天行時氣者皆由犯此也即須調氣息使寒熱  
平和即免患也每當臘日勿歌舞犯者必凶常於正月  
寅日燒白髮吉凡寅日剪手甲午日剪足甲又燒白髮  
吉

居處法

凡人居止之室必須周密勿令有細隙致有風氣得入  
小覺有風勿強忍久坐必須急急避之久居不覺使人  
中風立來忽得偏風四肢不隨或如角弓反張或失音  
不語者皆由忽此耳身既中風諸病總集邪氣得便遭  
此致卒者十中有九是以大須周密無得輕之慎焉慎  
焉所居之室必基井及水漬令安龍神凡在家及外行  
卒逢大飄風暴雨震電昏暗大霧此乃會諸龍鬼神行

動經過所致宜入室閉戶燒香靜坐安心以敬避之待  
過後乃出不爾損人或當時雖未苦於後不佳矣又陰  
霧中不可遠行凡家中有經像行來先拜之然後拜尊  
長每行至則安坐焉凡居家不必數沐浴若沐浴必須  
密室不得大熱亦不得大冷皆生百病冬浴不必汗出  
霰霖沐浴後不得觸風冷新沐髮訖勿當風勿濕鬢髻  
勿濕頭卧使人頭風眩悶髮禿面黑齒痛耳聾頭生白  
屑飢忌浴飽忌沐沐訖須進少許食飲乃出夜沐髮不

食即卧令人心虛饒汗多夢又夫妻不用同室沐浴常以晦日浴朔日沐吉凡炊湯經宿用洗體成癬洗面無光洗脚即疼痛作甌畦瘡熱泔洗頭冷水濯之作頭風飲水沐頭亦作頭風時行病新汗解勿冷水洗浴損心包不能復凡居家常戒約內外長幼不快即須早道勿使隱忍以為無苦過時不知便為重病遂成不救小有不好即按摩按擦令百節通利泄其邪氣凡人無問有事無事常須日別蹋脊背四肢一度頭項若令熱蹋即

風氣時行不能著人此大要妙不可具論凡人居家及  
遠行隨身常有熟艾一升備急圓辟界圓藥生肌藥甘  
濕藥丁腫藥水銀大黃芒硝甘草乾薑桂心蜀椒不能  
更蓄餘藥此等常不可缺一兩卷備急藥方并帶辟  
毒蛇蜂蝎等藥隨身凡人自覺十日以上康健即須灸  
三數穴以泄風氣每用必須調氣補瀉按摩導引為佳  
勿以康健便為常然須常安不忘危預防諸病也灸法  
當須避人神凡畜牛馬驢騾春秋皆須與轉瀉藥一度



則不中天行時氣也

按摩法

天竺國按摩此是婆羅門法

兩手相捉細捩如洗手法 兩手淺相叉翻覆向胸

兩手相捉共按脍左右同 以手如挽五石力弓左右

同 兩手相重按脍徐徐捩身左右同 作拳向前築

左右同 作拳却頓此是開胸左右同 如拓石法左

右同 以手反搥背上左右同 兩手據地縮身曲脊

向上三舉 兩手抱頭宛轉胫上此是抽脅 大坐斜  
身偏欹如排山左右同 大坐伸兩脚即以一腳向前  
虛掣左右同 兩手拒地迴顧此是虎視法左右同  
立地反拗身三舉 兩手急相叉以脚踏手中左右同  
起立以脚前後虛踏左右同 大坐伸兩脚用相手  
勾所伸脚著膝中以手按之左右同

右十八勢但是老人每日能依此三偏者一月後百  
病除行及奔馬補益延年能食明眼輕健不復疲乏

老子按摩法

兩手擦脛左右換身一七遍 兩手捻脛左右細肩二  
七遍 兩手抱頭左右紐腰二七遍 左右挑頭一七  
遍 兩手托頭三舉之 一手抱頭一手托膝三折左  
右同 一手托頭一手托膝從下向上三徧左右同  
兩手攀頭下向三頓足 兩手相捉頭上過左右三徧  
兩手相叉托心前推却挽三徧 兩手相叉著心三  
徧 曲腕築肋挽肘左右亦三徧 左右挽前後拔各

三編 舒手挽項左右三編 手摸肩從上至下使編

左右同 兩手空拳築三編 兩手相叉反覆攪各七

編 外振手三編內振三編覆手振亦三編 摩紐指

三編 兩手反搖三編 兩手反叉上下紐肘無數

用十呼 兩手上聳三編 兩手下頓三編 兩手相

叉頭上過左右伸筋十編 兩手拳反背上掘脊上下

亦三編

掘指之也

兩手反捉上下直脊三編 覆掌搥腕

內外振三編 覆掌前聳三編 覆掌兩手相叉交橫

三徧 覆手橫直即聳三徧 若有手患冷從上打至

下得熱便休 舒左脚右手承之左手擦腳聳上至下

直脚三徧右手擦腳亦爾 前後挨足三徧 左挨足

右挨足各三徧 前後却挨足三徧 直脚三徧 紐

脛三徧 內外振脚三徧 若有脚患冷者打熱便休

紐臂以意多少頓脚三徧 却直脚三徧 虎據左

右紐肩三徧 推天托地左右三徧 左右排山負山

拔木各三徧 舒手直前頭伸手三徧 舒兩手兩膝

亦各三徧 舒脚直反頓伸手三徧 捩內脊外脊各  
三徧

調氣法

彭祖曰道不在煩但能不思衣食不思聲色不思勝負  
不思曲直不思得失不思榮辱心無煩形勿極而兼之  
以導引行氣不已亦可得長年千歲不死凡人不可無  
思當以漸遣除之彭祖曰和神導氣之道當得密室閉  
戶安牀煖席枕高二寸半正身偃卧瞑目閉氣於胸膈

中以鴻毛著鼻上而不動經三百息耳無所聞目無所

見心無所思如此寒暑不能侵蜂蠆不能毒壽三百六

十歲此鄰於真人也

每旦夕者是陰陽轉換之時凡旦五更初暖氣至凝與眼關是上生

氣至名曰陽息而陰消暮日入後冷氣至凜凜然時乃至牀坐睡倒是下生氣至名曰陽消而陰息旦五更初暖氣至暮日入后冷氣至常出入天地日月山川河海人畜草木一切萬物體中代謝往來無一時休息一進一退如晝夜之更迭如海水之潮汐是天地消息之道也

面向午展兩手於腳膝上

徐徐按擦肢節口吐濁氣鼻引清氣

凡吐者出故氣亦名死氣吞者取新

氣亦名生氣故老子經云玄牝之門天地之根綿綿若存用之不勤言口鼻天地之間可以出納陰陽死生之

也氣良久徐徐乃以手左托右托上托下托前托後托瞋

目張口叩齒摩眼押頭拔耳挽髮放腰咳嗽發揚振動也雙作隻作反手為之然後掣足仰振數十九十而止仰下徐徐定心作禪觀之法閉目存思想見空中太和元氣如紫雲成蓋五色分明下入毛際漸漸入如雨初晴雲入山透頂皮入肉至骨至腦漸漸下入腹中四肢五臟皆受其潤如水滲入地若徹則覺腹中有聲汨汨然意轉思存不得外緣斯須即覺元氣達於氣海須



史則自達於湧泉則覺身體振動兩脚蹠曲亦令牀坐  
有聲拉拉然則名一通二通乃至日別得三通五通則  
身體悅懌面色光輝鬚毛潤澤耳目精明令人食美氣  
力强健百病皆去五年十歲長存不亡得滿十萬通去  
仙不遠矣人身虛無但有遊氣氣息得理即百病不生  
若消息失宜即疴競起善攝養者須知調氣方焉調氣  
方療萬病大患百日生眉鬚自餘者不足言也凡調氣  
之法夜半後日中前氣生得調日中後夜半前氣死不

得調調氣之時則仰卧牀鋪厚軟枕高下共身平舒手  
展脚兩手握大拇指節去身四五寸兩脚相去四五寸  
數數叩齒飲玉漿引氣從鼻入腹足則停止有力更取  
久住氣悶從口細細吐出盡遠鼻細細引入出氣一准  
前法閉口以心中數數令耳不聞恐有誤亂兼以手下  
籌能至千則去仙不遠矣若天陰霧惡風猛寒勿取氣  
也但閉之若患寒熱及患癰疽不問日中疾患未發前  
一食間即調如其不得好瘥明日依式更調之若患心

冷病氣即呼出若熱病氣即吹出若肺病則噓出若肝病則呵出若脾病則唏出若腎病則呬出夜半後八十一雞鳴七十二平旦六十一日出五十四辰時四十五已時三十六欲作此法先左右導引三百六十徧病有四種一冷痺二氣疾三邪風四熱毒若有患者安心調氣此法無有不瘥也凡百病不離五臟五臟各有八十一種疾冷熱風氣計成四百四病事須識其相類善以知之心臟病者體冷熱相法心色赤患者夢中見人著

赤衣持赤刀杖火來怖人療法用呼吹二氣呼療冷吹  
治熱肺臟病者胸背滿脹四肢煩悶相法肺色白患者  
喜夢見美女美男詐親附人共相抱持或作父母兄弟  
妻子療法用噓氣出肝臟病者憂愁不樂悲思及頭眼  
疼痛相法肝色青夢見人著青衣捉青刀杖或獅子虎  
狼來恐怖人療法用呵氣出脾臟病者體上遊風習習  
偏身痛煩悶相法脾色黃通土色夢或作小兒擊搏人  
揶揄人或如旋風團欒轉治法用唏氣出腎臟病者體



冷陰衰面目惡痿相法腎色黑夢見黑衣及獸物捉刀  
杖相怖用呬氣出冷病者用大呼三十徧細呼十徧呼  
法鼻中引氣入口中吐氣出當令聲相逐呼字而吐之  
熱病者用大吹五十徧細吹十徧吹如吹物之吹當使  
字氣聲似字肺病者用大噓三十徧細噓十徧肝病者  
用大呵三十徧細呵十徧脾病者用大唏三十徧細唏  
十徧腎病者用大四五十徧細四三十徧此十二種調  
氣法若有病依此法恭敬用心無有不瘥皆須左右導

引三百六十偏然後乃為之

### 服食法

論曰凡人春服小續命湯五劑及諸補散各一劑夏大熱則服腎瀝湯三劑秋服黃耆等圓一兩劑冬服藥酒兩三劑立春日則止此法終身常爾則百病不生矣俗人見淺但知鈎吻之殺人不信黃精之益壽但識五穀之療飢不知百藥之濟命但解施洩以生育不知固秘以頤養故有服餌方焉郝惜曰夫欲服食當尋性理所

宜審冷暖之適不可見彼得力我便服之初御藥皆先  
草木次石是為將藥之大較也所謂精粗相代階粗以  
至精者也夫人從小至長體習五穀卒不可一朝而遺  
之凡服藥物為益遲微即無充飢之驗然積年不已方  
能骨髓填實五穀居然而自斷今人多望朝夕之效求  
目下之應腑臟未充便欲絕粒穀氣如除藥未有用又  
將御女形神與俗無別以此致弊胡不怪哉服餌大體  
皆有次第不知其術者非止交有所損卒亦不得其力

故服餌大法必先去三蟲三蟲既去次服草藥好得藥力次服木藥好得力訖次服石藥依此次第乃得遂其藥性庶可安穩可以延齡矣

去三尸蟲圓

生地黃汁三斗東向竈葦火煎三沸內清漆二升以荆匕攪之日移一尺內黃丹三兩復移一尺內瓜子汁三升復移一尺內大黃末三兩微火勿令焦候可圓圓如梧桐子大先食服一圓日三濁血下鼻中三



十日諸蟲皆下五十日百病愈面色有光澤

又方

漆

二升

蕪菁子

三升末

大黃

六兩末

酒

二升半

右以微火合煎令可圓如梧桐子大先食服三圓十日濁血下出鼻中三十日蟲皆爛下五十日身光澤一年行及奔馬消息四體安穩乃可服草藥

服天門冬方

天門冬曝乾搗下篩食后服方寸匕日三可至十服

小兒服尤良與松脂煉蜜圓服之益善惟多彌佳  
又千搗取汁微火煎取五斗下白蜜一斗胡麻炒末  
二升合煎攪勿息手可圓即止火下大豆黃末和為  
餅徑三寸厚半寸一服一枚日三百日已上得益此  
方最上妙也衆方一法釀酒服始傷多无苦多即吐  
去病也

天門冬酒釀法

取天門冬淨洗去心皮令人利搗壓取汁二斗漬麴

二升麴發以糯米二升準家釀法造酒春夏宜極冷  
下飯秋冬溫如人肌此酒初熟味酸仍作臭泔腥氣  
但服之久停則香美餘酒皆不及封四七日佳凡八  
月九月即少少合至十月多擬到來年五月三十日  
以來相續服之春三月亦得合入四月不得合服酒  
時若再得天門冬去心皮曝乾為細末以上件酒服  
方寸匕日三加至三匕久服長生補中益氣愈百病  
也治虛勞等傷年老衰損羸瘦偏枯不隨風濕不仁

冷痺心腹積取惡瘡癰疽腫癩疾重周身膿壞鼻柱  
敗爛服之皮脫蟲出顏色肥白髮黑齒落再生入水  
不濡二百日後恬泰疾損拘急者緩羸劣者強三百  
日身輕三年走及奔馬至十年心腹痼疾皆去

服地黃法

生地黃五十斤熟搗絞取汁澄去滓微火上煎減過  
生白蜜五升棗脂一升攪令相得可圓乃止每服如  
雞子一枚日三令人肥白

又方

地黄十斤細切以醇酒二斗漬三宿出曝乾反覆內  
漬取酒盡止與甘草巴戟取厚朴乾漆覆盆子各一  
斤搗下篩食后酒服方寸匕日三加至二匕使人老  
者還少強力無病延年

作熟地黄法

採地黄去其鬚葉及細根搗絞取汁以漬肥者著甑  
中蒸之熟時出曝燥更浸汁中又蒸汁盡止便乾之

亦可直切蒸之半日數以酒洒之使周匝至夕出曝  
乾可搗為末煉蜜圓服之

種地黃法

先擇好地黃赤色虛軟者深耕之臘月逆耕凍地彌  
好擇肥大好地黃根切長四五分至三寸許一斛可  
種一畝二三月種之作畦畔相去一尺生後隨鋤壅  
數芸之

黃精膏方

黃精用一石去鬚毛洗令淨潔打碎蒸令好熟壓得  
汁復煎去上遊水得一斗內乾薑三兩桂心末一兩  
微火煎看色鬱鬱然欲黃使去火待冷盛不津器中  
酒五合和服二合常未食前日二服舊皮脫顏色變  
光花色有異鬚髮更改欲長服者不須和酒內生大  
豆黃絕穀食之不飢渴長生不老

服烏麻法

取黑皮真檀色者烏麻隨多少水拌令潤勿過濕蒸

令氣徧即出曝乾如此九蒸九搗去上皮未食前和水若酒服二方寸匕日三漸漸不飢絕穀久服百病不生常服延年不老

餌柏實方

柏子仁二升搗令細醇酒四升漬攪如泥下白蜜二升棗膏三升搗令可圓入乾地黄末白朮末各一升攪和圓如梧桐子大每服三十圓日二服二十日萬病皆愈



餌松子方

七月七日採松子過時即落不可得治服方寸匕日  
三四一云一服三合百日身輕二百日行五百里絕  
穀服昇仙渴飲水亦可和脂服之若圓如梧桐子大  
服十圓

服松脂方

百鍊松脂下篩以蜜和內甬中勿令中風日服如博  
棊子大博棊長二寸方一寸日三漸漸月別服一斤不飢延年

亦可醇酒和白蜜如錫日服一二兩至半斤凡取松脂老松皮自有聚脂者最第一其根下有傷折處不見日月者得之名曰陰脂彌良惟衡山東行五百里有大松皆三四十圍乃多脂又法五月刻大松陽面使向下二十四株一株可得半斤亦取其老節根處有脂得用仙經云常以三月入衡山之陰取不見日月松脂煉而餌之即不召而自來服之百日耐寒暑二百日五臟補益服之五年即見西王母仙經又云

諸石所生三百六十五山其可食者滿谷陰懷中松脂耳其谷正從衡山嶺直東四百八十里當橫健正在橫嶺東北行過其南入谷五十里窮穴有石城白鶴其東方有大石四十餘丈狀如白松松下二丈有小穴東入山有丹砂可食其南方陰中有大松大三十圍有三十餘株不見日月皆可取服之

採松脂法

以日入時破其陰以取其膏破其陽以取其脂脂膏

等分食之可以通神靈鑿其陰陽為孔令方五寸深五寸還以皮掩其孔無令風入風入則不可服以春夏時取之取訖封塞勿洩以泥塗之東北行丹砂穴有陰泉水可飲此弘農車君以元封元年入此山食松脂十六年復下居長安東市在上谷牛頭谷時往來至秦嶺上年常如三十者

### 煉松脂法

松脂七斤以桑灰汁一石煮脂三沸接置冷水中凝

復煮之凡十徧脂白矣可服今谷在衡州東南攸縣  
界此松脂與天下松脂不同

餌茯苓方

茯苓十斤去皮酒漬密封下十五日出之取服如博  
棋日三亦可屑服方寸匕凡餌茯苓皆陽煮四五沸  
或以水漬六七日

茯苓酥方

茯苓

五升灰汁煮十徧漿  
水煮十徧清水煮十徧

松脂

五斤煮如茯苓法  
每次煮四十徧

生天門冬

五斤去心皮  
曝乾作末

蠟

牛酥

各三斤鍊  
三十遍

白蜜

三斤煎  
令沫盡

右各搗篩以銅器重湯上先內酥次蠟次蜜消訖內藥急攪勿住手務令大均內釐器中密封勿令洩氣先一日不食欲不食先須喫好美食極飽然後絕食即服二兩二十日后服四兩又二十日后八兩以圓之以咽中下為度第二度以四兩為初二十日后八兩又二十日二兩第三度服以八兩為初二十日二

兩二十日四兩合一百八十日藥成自后服三圓將  
補不服亦得恒以酥蜜消息之美酒服一升為佳合  
藥須取四時旺相日特忌刑殺厭及四激休廢等日  
大凶此彭祖法

茯苓膏方

茯苓

淨去皮

松脂

二十斤

松子仁

柏子仁

各十斤

右皆依法鍊之松柏仁不鍊搗篩白蜜二斗四升內  
銅器中湯上微火煎一日一夕次第下藥攪令相得

微火煎七日七夜上圓如小棗每服七圓日三欲絕  
穀頓服取飽即得輕身明目不老

服枸杞根方

主養性遐齡

枸杞根切一石水一石二斗煮取六斗澄清煎取三  
升以小麥一斗乾淨擇內汁中漬一宿曝二往返令  
汁盡曝乾根末酒服方寸匕日二一年之中以二月  
八月各合一劑終身不老

枸杞酒方



枸杞根一百二十斤切以東流水四石煮一日一夜  
取清汁一石漬麴一如家醞法熟取清貯不津器中  
內乾地黃末二斤半桂心乾薑澤瀉蜀椒末各一斤  
商陸末二升以絹袋貯內酒底緊塞口埋入地三尺  
堅覆上三七日沐浴整衣冠再拜平曉向甲寅地日  
出處開之其酒赤如金色旦空腹服半升十日萬病  
皆愈三十日癥瘕滅惡疾人以水一升和酒半升分  
五服愈

餌雲母水方

上白雲母二十斤薄擘以露水八斗作湯分半洮洗  
雲母如此再過又取二斗作湯內芒硝十斤以雲母  
木器中漬之二十日出絹袋盛懸屋上勿使見風日  
令燥以水漬鹿皮為囊揉挺之從旦至日中乃以細  
絹下篩滓復揉挺令得好粉五斗餘者棄之取粉一  
斗內崖蜜二斤攪令如粥內生竹筍中薄削之漆固  
口埋北垣南崖下入地六尺覆土春夏四十日秋冬

三十日出之當如澤為成若洞洞不消者更埋三十日出之先取水一合內藥一合攪和盡服之日三水寒溫盡自在服十日小便當變黃此先療勞氣風疹也二十日腹中寒癖消三十日齟齬除更新生四十一日不畏風寒五十日諸病皆愈顏色日少長生神仙吾自驗之所以述錄

鍊鍾乳粉法

鍾乳一斤不問厚薄但取勻淨十分好者即任用非

此者不堪用先泥鉄鑪可受四五斗者為竈貯水令  
滿去口三寸內乳著金銀甕甕內任有用之乃下鑪  
中令水沒甕上一寸餘即得常令如此勿使出水也  
微火燒日夜不絕水欲竭即添成暖水每一周時輒  
易水洗鑪并洩乳七日七夜出之淨洩乾內瓷鉢中  
玉椎縛格少著水浸之一日一夜急著水攪令大濁  
澄取濁汁其乳粗者自然著底作末者即自作濁水  
出即經宿澄取其粗著底者准前法研之凡五日五

夜皆細逐粉作粉好用澄鍊取曝乾即更於銀鉢中  
研之一日候入肉水洗不落者佳

鍾乳散

鍾乳粉

咸煉者  
三兩

上黨人參

石斛

乾薑

各三分

右四味搗下篩三味與乳合和相得均分作九貼平  
旦空腹溫淳酒服一貼日午後服一貼黃昏後服一  
貼三日後准此服之凡服此藥法皆三日一劑三日  
內止食一升半飯一升肉肉及飯惟爛不得服葱豉

問曰何故三日少食勿得飽也荅曰三夜乳在腹中  
熏補臟腑若此飽食反推藥出腹所以不得飽食也  
何故不得生食由食生故即損傷藥力藥力既損脂  
肪亦傷所以不得食生食也何故不得食葱豉葱豉  
殺藥故不得食也三日服藥既盡三日內須作羹食  
補之任意所便仍不用葱豉及鞭食也三日補訖還  
須准二服藥如前盡此一斤乳訖其氣力當自知耳  
不能具述一得此法其後服十斤二十斤任意方便

可知也

西嶽真人靈飛散方

雲母粉

一斤

茯苓

八兩

鍾乳粉

柏子仁

人參

續斷

桂心

各七兩

菊花

十五兩

乾地黄

十二兩

右九味為末生天門冬十九斤取汁溲藥內銅器中  
蒸一石二斗黍米下米熟曝乾為末先食飲服方寸  
匕日一三日力倍五日血脈充盛七日身輕十日面

色悅澤十五日行及奔馬三十日夜視有光七十日  
白髮盡落故齒皆去更取二十一白蜜和搗二百  
杵丸如梧桐子大作八十一枚曝乾丸皆映徹如水  
晶珠欲令髮齒時生者吞七枚日三服即出髮未白  
齒未落者但服散五百年乃白如前法服已白者餌  
藥至七百年乃落入山日吞七丸絕穀不飢余得此  
方以來將踰三紀頃者但美而悅之疑而未敢措手  
積年詢訪屢有好名人曾餌得力遂服之一如方說



但能業之不已功不徒棄耳

黃帝雜忌法

旦起勿開目洗面令人目澁失明饒淚清旦常言善事  
勿惡言聞惡事即向所來方唾之吉又勿嗔怒勿叱咤  
咄呼勿嗟嘆勿唱奈何名曰請禍勿立膝坐而交臂膝  
上勿令髮覆面皆不祥勿舉足向火勿對竈罵詈凡行  
立坐勿背日吉勿面北坐久思不祥起凡欲行來常存  
魁罡在頭上所向皆吉若欲征戰存斗柄在前以指敵

吉勿面北冠帶凶勿向西北唾犯魁罡神凶勿咳唾唾  
不欲遠成肺病令人手足重及背痛欬嗽亦勿向西北  
大小便勿殺龜蛇勿怒目視日月喜令人失明行及乘  
馬不用回顧則神去人不用鬼行踏粟凡遇神廟慎勿  
輒入入必恭敬不得舉目怒意顧瞻當如對嚴君焉乃  
享其福耳不爾速獲其禍亦不得返首顧視神廟忽見  
龍蛇勿興心驚怪亦勿注意瞻視忽有鬼怪變異之物  
即強抑之勿怪呪曰見怪不怪其怪自壞又路行及衆

中見殊妙美女慎勿熟視而愛之此當魑魅之物使人  
深愛無問深山曠野稠人廣衆之中皆亦如之凡山水  
有沙風處勿在中浴害人欲渡者隨驢馬後急渡不傷  
人有水弩處射人影即死欲渡水者以物打水其弩即  
散急渡不傷人諸山有孔云入采寶者惟三月九月餘  
月山閉氣交死也凡人空腹不用見尸臭氣入鼻舌上  
白起口常臭欲見尸者皆須飲酒見之能辟毒遠行觸  
熱塗中逢河勿洗面生烏點

房中補益法

論曰人年四十以下多有放恣四十以上即頓覺氣力  
一時衰退既至衆病蜂起久而不治遂至不救凡  
人氣力自有盛而過人者亦不可抑忍久而不洩致生  
癰疽若年過六十強有數旬不得交合意中平平者自  
可閉固也昔正觀初有一野老年七十餘詣余云數日  
來陽氣益盛思與家姬晝寢春事皆成未知垂老有此  
為善惡耶余荅之曰是大不祥子獨不聞膏火乎夫膏


火之將竭也必先暗而後明明止則滅今足下年邁桑榆久當閉精息欲茲忽春情猛發豈非反常耶竊為足下憂之子其勉歟後四旬發病而死此其不慎之效也如斯之輩非一旦疏一人以勗將來耳所以善攝生者凡覺陽事輒盛必謹而抑之不可縱心竭意以自賊也若一度制得則一度火滅一度增油若不能制縱情施瀉即是膏火將滅更去其油可不深自防所患人少年時不知道知道亦不能信行之至老乃知道便以晚矣

病難養也晚而自保猶得延年益壽若年少壯而能行道者神仙速矣或曰年未六十當閉精守一為可爾否曰不然男子不可無女女不可無男無女則意動意動則神勞神勞則損壽若念真正無可思者則大佳長生也然而萬無一有強抑鬱閉之難持易失使人漏精尿濁以致鬼交之病損一而當百也交會者當避丙丁日及弦望晦朔大風大雨大霧大寒大暑大雷電大霹靂天地晦冥日月薄蝕虹霓地動則損人神不吉損男有

倍令女得病有子必顛癡頑愚瘡痍聾瞶跛盲眇多  
病短壽不孝不仁又避日月星辰火光之下神廟佛寺  
之中井欄圍廁之側塚墓尸柩之傍皆所不可夫交合  
如法則有積德大智善人降託胎中仍令性行調順所  
作和合家道日隆祥瑞競集若不如法則有薄福愚癡  
惡人來託胎中仍令父母性行凶險所作不成家道日  
否殃咎屢至雖生成長家國滅亡夫禍福之應有如影  
響此乃必然之理可不再思之若欲求子者但待婦人

月經絕後一日三日五日擇其王相日如春甲乙夏丙  
丁秋庚辛冬壬癸以生氣時夜半後乃施瀉有子皆男  
必壽而賢明高爵也以月經絕後二日四日六日施瀉  
有子必女過六日後勿得施瀉既不得子亦不成人人  
有所怒血氣未定因以交合令人發癰疽又不可忍小  
便交合使人淋莖中痛面失血色及遠行疲乏來入房  
為五勞虛損少子婦人月事未絕而與交合令人成病  
得白駁也





世醫得效方卷二十